



قصید

مرزا حامد بیگ



نویاں چھپیاں

- قائد اعظم؟ — رفیق ڈوگر — قائد اعظم ہائے مضمون (انجم)
کلیاتِ لالی — پروفیسر ریاض احمد شاد — صدیق لالی (مکتب کلام)
شام رنگی گڑھی — نواز — ریڈیاں ڈرامے
کال بلیندی — اے ڈی اعجاز — جنگ آزادی ہائے (موسے)
پہانج — ظفر لشاری — ناول
کتبیں بندے — پروفیسر شارب — بار دسے (موسے)
لہو سہاگ — شفقت تنویر مرزا — لورکا دسے ڈرامے
کن لیکھا — محمد آصف خاں، تنویر بخاری — (پنجابی صدراں ہائے)
بار دسے گیت — مشتاق صوفی — (لوک گیت)

قصہ کہانی

بمبئی سینٹر

(افسانے)

نور محمد

سید احمد

بمبئی سینٹر، گورنمنٹ کالج، پونہ، ۱۹۵۱ء
پرنٹنگ: پونہ، ۱۹۵۱ء



بمبئی سینٹر، گورنمنٹ کالج، پونہ

الفاتحہ کے لئے اللہ سے دعا ہے کہ اس کتاب کو پڑھنے والوں کو
 اللہ تعالیٰ سے اجر و ثواب عطا فرمائے۔ آمین
 اللہ تعالیٰ سے دعا ہے کہ اس کتاب کو پڑھنے والوں کو
 اللہ تعالیٰ سے اجر و ثواب عطا فرمائے۔ آمین
 اللہ تعالیٰ سے دعا ہے کہ اس کتاب کو پڑھنے والوں کو
 اللہ تعالیٰ سے اجر و ثواب عطا فرمائے۔ آمین

پہلی گل

کہانیاں دی ایہہ ساڈی تہی کتاب ہے۔ ایس توں پہلاں پورڈولوں
 دو کتاباں — (۱) اکبر لہوری دی ”اکبر کہانیاں“ (۲) حنیف باوادی
 ”چرخے دی موت“ چھاپیاں جا چکیاں ہن۔
 مرزا حامد بیگ کہانی کھیتروچ کوٹی نواں ناں نہیں۔ ایہناں دیاں
 ہتھلیاں اتے اردو کہانیاں چنگے چنگے معیاری رسالیاں وچ چھپ کے
 پارکھاں توں سرامہنا کھٹ چکیاں ہن۔ اردو کہانیاں دی کتاب ”گمشدہ
 کلمات“ چھپ وکشی چکی ہے۔
 مرزا حامد بیگ دیاں ودھیرے کہانیاں وچ اوہناں دی اپنی جوجہ دا
 آلا دوالا پیریا لہجدا ہے۔ کہانیاں دے تائے پیٹے وچ دھرتی بولی تے
 لوک اتے اوہناں دا وسیب انج اک بک مخفی گیا ہے کہ مرزا حامد بیگ

دی سنجان بن گیا ہے۔ ایس گن نول اوہناں دے علامتاں دے پیچھے نظام
نے ہو وی اگھڑویں دکھ دتی ہے۔ ہن کے کہانی اتے اوہناں داناں نہ
وی بچیا ہو دے تدوی ایس سبجے اسی سہان سکدے ہاں کہ ایہہ کس کہانی
کار دی سوچ دا اڑتا ہے۔ کہانیاں دا ایہہ تہاں راستے نوکلا پن اوہناں نول
ہاں کہانی کاراں توں دکھ اوند ہے اتے اوہناں دی اڈری ہوند دی
سو نہ دینا ہے۔

اک ہو رگل: مرزا حامد بیگ ایہہ کہانیاں اپنی جڑھی بولڑی وچ لکھیاں
ہن کچھ پڑھن ہاراں توں ایہہ ادب دی جاپسی۔ سیاٹے ایہناں کہانیاں دے
لسانی ڈھانچے دا انگ نکھیر کر کے کئی اجھے سٹے ساہنے لیا سکدے ہن،
چیناں ول کسے گریسن دا ابے دھیان نہیں گیا۔

محمد آصف خاں

دیروا

- | | |
|----|----------------------------|
| ۱۳ | ۱- ازلاں توں ہکا کہانی |
| ۲۱ | ۲- انجیرلا کبت |
| ۲۹ | ۳- گھوہ |
| ۳۷ | ۴- آوازاں |
| ۴۷ | ۵- حکم نامہ |
| ۵۷ | ۶- سانگی استادان فی ہک رات |
| ۷۵ | ۷- قصہ کہانی |
| ۸۱ | ۸- بنگے بنگے دکھ |
| ۸۹ | ۹- دستار بندی |
| ۹۹ | ۱۰- رات - ہک |

ایہہ کہانیاں

میں پیروں پیر وانا ، جرنیلی سڑکاں نے نال نال کٹی ہوئی
رنجی روڑی تے آپنے خاکی وجود آں دھمکنا ، ساہوں ساہ
آنا واں پیا ۔

برے تے کڑکئی دھپیاں فی چادر سنبھالیاں نہیں سنبھلیتی ۔
دیکھ میں کوہاں تا پینڈا کھوٹا کرنا ، راہے وچ آں ، ماٹھہ
کچھ چر ہور اڈیک ۔ میں آنا واں پیا ۔

ماٹھہ پتہ اے ، میری واں اُس تک نہیں پہنچتی ۔ برے میں
رکیہ کراں ، کوئی ہووے جیہڑا اُساں دینج کے ٹھم رگھنے ۔ اوہ
میری راہ تک تک کے ہار گیا ہوسی ، ماٹھہ لگنا اے جیوں اُس
مٹھ گھدی اے کہ اج توں بعد میرا موٹھہ مہاندرہ اُس تے
حرام اے ۔

لے : شیر شاہ سوری روڈ ۔

لے : میرے گرائیں ”گمّالے“ نا کوئی ہک بندہ ۔

۱۱ - رات - دو

۱۲ - برج عقرب

۱۳ - گل

مانہہ ٹورن ویلے ، اُس ایہا کجھ ای اکھیا ہیا ۔ اُس اکھیا ہیا
کہ اچ نے دیہاڑے اوہ ، چُپ چپیتی آبادی چوں نکل کے اُس
لنگی جاگھاں تک آوسی ، تے اُس اکھا ہیا کہ نماشاں توں پہلوں
جے پہنچ گیا ایں ، تاں قابہا —————

ہیں اُساں اگلی گل نہیں کرن دتی ہئی ۔

ہیں جاننا ، اُس نا اکھا پتھر تے لیک اے ۔ اس کر کے
ہیں اُس تک پہنچنے نا جتن کرنا ۔ کوئی ہووے جیہڑا اُساں وچ
کے ٹھم گھنے ، اُساں دسے کہ میں اجلا راہ وچ آں ۔ برے ایہجا
کون ہووے ؟

برے تے کوکئی دھپاں نی چادر سنبھالیاں نہیں سنبھلینی ۔

سڑکاں نے دوہاں پاسے باولیاں نے مٹھے پانی پی کے مسافر
کن لوصیٹ کے گھوک سُنّے ہوئے ن ۔

اس پیروں پیر وانے نی کون سُنّے ، جیہڑا آپنے وجود آں

دھرکنا

————— مرزا حامد بیگ

ازلاں توں ہکا کہانی

ایہہ گرمیاں نی ہک کڑکئی دوپہراں نا قصہ اے ۔

ساری دیہاڑی تیز گرم ہو چلنی رہی ہئی ۔ گرائیں رینیاں
ڈنگیاں تریڈھیاں گلیاں وچ مٹی پاگلاں آر اڈانی پھرنی ہئی ، تے
آہلنے وچ رال انڈہ چھوڑ گئی ہئی ۔

اُس بھری بھری آبادی وچ ہکا اوہا کڑی ای ہئی جیہڑی اپنے
گھر چوں باہر نکل آئی ہئی ۔ ایہہ گل اُس نی روز دیہاڑی نے
برخلاف ہئی ، برے ہوی ۔

بس وت رکیہ ہیا ، ہر پاسے شور کھارا پے گیا ۔

اس فساد نی بنیاد رکیہ ہئی ، کجھ پتہ نہیں لگا ۔ ایہا کجھ ای

سُنّے وچ آیا اے کہ اوہ ہک کڑی ہئی

ہئی کہ ہک مُشکی گھوڑی وانگر کتیا ہویا وجود ہیا ۔

اُس زیناں ہرٹی وانگن اکھیاں ، پتلا مناسب تک ، کھلا مٹتا۔
تے مراچی وانگن گردن ہئی ۔ اُس نا سوچھ تپراں پچ مٹنا نہیں
ہیا ۔ ہک ہرٹی ہئی ہرٹی ، چہڑی ساری آبادی وچ دوڑنی پھرتی ہئی
تے چساں تک کے دل دھڑکتا بھل وینے ہے ۔

سارے اُساں تک تک پھینے ہے ۔ اُس نے ساہے نال
سارا جگ ساہ گھینا ہیا ، اُس نا اکھا کوئی ٹال نہیں سکنا ہیا ، تے
اُس نی مرضی ساریاں نی مرضی ہئی ۔

برے اُس نا انجام کچھ چنگا نہیں ہویا ۔

اوہ سو لھویں سال وچ ہئی جدوں بدنام ہوئی اے ۔

پتلا پاکھا جیہا راجہ ۔۔۔۔۔ جس زیناں ایسے مسے ، مسان
پھٹیاں ہیاں ۔ اللہ جانے کتنی مدت توں اُس کڑی آن آئیاں
دینیاں ، ہسٹیاں کھیڈنیاں پیا تکنا ہیا ۔ برے اُس دیہاڑے
اوہ رہ نہیں سکيا ۔

تے اوہ مقدران نی کھوٹی ، اپنے گھرے چوں نکل آئی ہئی ۔
اُس کڑی دھپیاں پچ راجہ اگے دھیا ۔ اوہ اُساں کچھ
اکھنا سٹنا چاہنا ہیا ، برے کچھ بی تاں اگھ نہیں سکيا ہیا ۔
گلی لگ ملکی ہئی تے تکنن والا بی کوئی نہیں ہیا ۔ برے
خدا جانے کیہوں ساریاں تک گھدا ۔

میں جدوں کہانی چھوہی اے ، تاں تساں واں دس
چکا واں کہ اوہ کڑی ، ہر پاسے ہسٹنی کھیڈنی پھرتی ہئی ۔ اُس نا
اکھا کوئی ٹال نہیں سکنا ہیا تے اُس نی مرضی ساریاں نی

مرضی ہئی ۔ برے اُس دیہاڑے اُس نا اکھا نہیں منیا ۔
اُس دیہاڑے ، کسی بی اُس نی نہیں سٹنی ۔ سچھ اپنی اپنی
پئے آکھنے سئے ۔ گل ہم بندہ ای بندہ ۔
کسی آکھیا :

” ایہہ بڈھا کڑی ، روز دیہاڑی ملنے ہے ۔“

کیسے آکھیا :

” تسی رکیہ جانوں ۔۔۔۔۔ اسپغول تے گلاں واں نہ

پھروں ۔ جو کچھ ایہناں گناہ گار اکھیاں تکیا اے ، تساں واں
رکیہ دساں ۔“

نیکے گل ددھائی :

” کیوں بی تاجے ، سچھ کچھ دس ای دیواں ، جیہڑا کچھ
گئی راتی ہویا اے ؟ اسی دوے تاں موقع نے
گواہ واں ۔“

ددھنے ہوئے لوکاں نے اکھ وچ ، راجہ تے کڑی
جرماں آر نہیں ، ساریاں زیناں اکھاں وچ اکھاں پا کے
کھلتے ہوئے سئے ، برے شور کھارا بہوں ہیا تے ”مٹدا
چنگا“ جڑاں کر گیا ہیا ۔

وت ، خدا جانے رکیہ سوچ کے راجہ ، ہک پاسے نکل
کے نس پیا ہا ۔

برے قصور اُس نا بی نہیں ہیا ۔ اُس نیاں تاں اے
مے ، مسان پھٹیاں ہیاں ۔ اُس نے نس کھلوون تے

سایاں ہلکی دوئے داہیں مُسک مُسک کے تکیا -
کیسے ، نیکے فی ہاں وچ ہاں ملائی تے نیکے فی تصدیق
تاہے کر دتی -

ہویا رکیہ ہیا ؟

ایہہ جاننے فی کسی آں رکیہ پیٹی ہوئی ہئی -
برے ایہہ حقیقت اے کہ گڑھی نا سولھواں سال ہیا ،
جدوں اوہ بدنام ہوئی اے -

اُس نا اکھا کوئی ٹال نہیں سکنا ہیا ، برے اُس دیہاڑے
اُس فی کسی نہیں سنی - اوہ اپنی اڈی فی جاگھاں چ ڈب مرنا
متنگنی ہئی -

وت کسی اُساں بائہواں کولوں مٹھم گھدا ہیا تے اُساں اُس
نے گھرے تک چھوڑن سارا گراں آیا ہیا -
اُس دیہاڑے توں بعد اوہ اپنے گھرے نے ہنیرے چ
ہنیرا بن گئی - وت اُساں کسی نہیں تکیا -

اُس توں بغیر آبادی جیوں ویران ہو کے رہ گئی - ساری
آبادی تاں اُساں تک تک چینی ہئی - اُس نے ساہ تال سارا
جگ ساہ گھینا ہیا -

برے جدوں اس گلاں فی لوکاں واں خبر ہوئی اے

تاں اوہ ہنیرے وچ ہنیرا بن چکی ہئی -

کیسے نیکے تے تاہے مرجوڑے ، تاں کدھرے راہے آں

ڈھونڈنا شروع کیتا گیا - ہُن تک اوہ خدا جائے رکھے چھپا رہیا -

وتے نے شور سُکارے توں بعد راتی نا اخیرا پہر ہوسی جدوں
اوہ ساریاں کولوں پھپھنا چھپانا جرنیلی سڑکاں واں چڑھ گیا -
زمانے لنگھ گئے ، اُس فی کوئی خبر نہ آئی -

بچیاں اُس نال نفرت کرنی اپنیاں وڈیاں کولوں سکھی ، تے
وڈے اُس نال نفرت کرٹے ، مونہاں چوں تھکاں اڈانے ،
مندا چنگا اکھنے گذر گئے -

راہے ، کسب ای کجھ ایہجا کیتا ہیا - سارے حریان ہئے -
اُس نا جرم اپنے پرایاں نے وہم خیال توں بی باہر ہیا - جیہڑا
سُننا ہیا ، کھلوتے نا کھلوتا رہ وینا ہیا -

برے جدوں سارے طیش وچ آ کے اُٹھ کھلوتے ہئے
تاں اوہ غیب ہیا - بہوں ڈھونڈا نیں ، تلے فی زمی اُتے تے
اُتے فی زمی تلے کر دتی نیں ، برے اُس فی خبر نہیں ملی -
مڈتاں لگھ گئیاں - لوک مجل مجلا گئے -

ہلکی دیہاڑے پتہ لگا کہ راہہ گذر گیا اے - - - - - خون
مُٹکنا ہویا -

اُس فی موتو فی خیراں نویاں نڈھے گڑیاں نے مغزیاں وچ
اُس ویری ہوئی یادی نا پاسا پرت دتا - برے اوہناں نویاں
نڈھے گڑیاں واں گدیریاں ویلیاں نے اُس قصے نال رکیہ
دلچسپی ہو سکئی ہئی -

ہلکی ادھے یرانے بندے ، راہے فی موتو فی خبر سنی تے
آپنے وانگن کسی بڈھے مٹھڑے کولوں پچھیا :

” ایہہ راجے نا اصل قصہ کیہ ہیا؟“

کوئی ایہیا نہیں ہیا چہڑا اکھیاں ڈھٹی سنداوے آ۔ بس
سُنی سُنائی ہئی کہ اوہ ہک گرمیان بنو۔ کڑکنی دوپہر ہئی، جدوں کیہے،
فیکے تے تاجے سر جوڑے بنے۔ تے ایہہ بی کہ شور سُکارا
بہوں ہیا، تے ”مندا چنکا“ جڑاں کر گیا ہیا۔ لوک اکھٹے
ہونے گئے بنے تے بس۔۔۔۔۔

وت کسی اُس مُشکی رنگے آں یاد کیتا، جساں دیکھ کے
سارا جگ گھینا ہیا۔

اُدھر آپنے ہنیرے گھر وچ اُس بی سن گھدا:
”راجہ گذر گیا۔۔۔۔۔ خون تھکنا ہویا۔“

تہ اوہ ہڑیاں نا کھکار تے جھڑلیاں نی مُٹھ، چان سُستی،
باہر نکل آئی۔

اُس گلی وچ نکل کے ہر آون جاون والے آں کھلیار کھلیار
کے کسیا:

”لوکو، وے لوکو۔۔۔۔۔ میرا سولھواں سال ہیا نہیں جدوں
اوہ نامرود، ماٹھہ اُس دُنیا نے موٹھیں تے ہکلا چھوڑ کے
نس کھلا ہیا۔ اخیر گذر ای گیا۔۔۔۔۔ خون تھکنا ہویا۔“
”کون گذر گیا اے؟“

تویں زمانے نے بڑھے کڑیاں واں راجے نے پارے وچ
گکھ پتہ نہیں ہیا۔ اوہناں تاں اُس توں نفرت کرنی آپنے
وڈیاں کولوں سکھی ہئی۔

بُن اوہ ہنیرے وچ ہنیرا، ہڑیاں نا کھکار تے جھڑلیاں نی
مُٹھ۔ ہر پاسے ’ٹھاہ ٹھاہ‘ ہسنی پھرنی اے۔ اُس کولوں
مُشکاں نے ہٹے اُٹھنے وُن۔
اوہ جس گھر نے بوہے تے وچ بہنی اے، گھار اُجاڑ کے
رکھ دینی اے۔

کون اے جہڑا اُس نا ساہننا کرے؟

گند پھکنی، تے ٹھننا نا بدبو والا پانی پیساں۔“

آبادی اُجڑ کے رہ گئی اے۔

کیہے فیکے تے تاجے نے مہاندیریاں تے ہوائیاں پٹیاں
اُڈنیاں وُن، تے اوہ ہک واری وت سر جوڑ کے بیٹھے ہوئے۔

اخیرلا کیت

اس گلاں واں بہوں پچر ہو گیا اے -
 میں نکا جیہا ہیماں تے اوہ حیران کر دیون والے دیہاڑے ہئے۔
 میں اچ اوہناں دیہاڑیاں یاد کرتاں تاں ای ساہنئے نیاں شیاں اوپریاں
 لگن لگ پینیاں -
 اوہ ہک ڈوگھی رات ہئی جس وچ غوطے کھانیاں میں
 بابے نور محمدے آن دیکھا ہیا - تے اوہ رات ہئی آپنے ای
 زورے وچ سنگل کڑکائی آپنے اگلے گھراں نال نرمی آن اُدھیڑتی
 مستی وچ آئی ہوئی رات -
 میں شاید تئساں واں پہلوں دس بیٹھا واں کہ میں نکا جیہا
 ہیماں تے اوہ حیران دیہاڑے ہئے - میں اوہناں دیہاڑیاں واں
 آپنے چوقیر، ہر پاسے کدھی وانگن کھلوتی ہوئی راتی پچ دیکھا اے۔

ای راتی نی کدھ تے اس تے لویٹی ہوئی جیرانی ، ہر شئی
نا اصل اے۔ دیہاڑی تاں اسی نقلیاں وچ پھسے رہتے آں ،
ای ساجئے نیں شیاں بی سواتنگ بھرنیاں وُن ، تے نظر
توں پھپیاں رہنیاں ۔

اج کبت بوڑن والا مرزا عامدیگ اس نیکاں نے حضرتے
وچ ای قصہ چھوہ بیٹھا اے ، ہو سکنا اے ای کہانی بی اصل کہانی
نی نقل ای ہووے۔ اس واسطے کہ اس گلاں واں بہوں چہر
ہو گیا اے تے قصے کہانیاں ویلے نے نال نال کچھ نیاں
کچھ ہو وینیاں ۔

ہاں تے ، میں پیا آکھنا ہیاں ، اس ویلے میں رنگا جیہا
ہیاں تے اوہ جیران کہ دیون والے دیہاڑے ہئے۔ میں نیکاں
نے ٹھڈے ٹھار فرشتے تے آرکاں نے بھار اموڈھا لیٹا ہويا
ساہنے واٹی منجی تے پئے ہوئے بابے تُوڑ محمدے نے چار
بیٹے پیا سُننا ہیاں ۔

تُوڑ محمدے آں جھکھ لگی ہوئی ہئی تے اُس نی سچی اکھی چوں
اتھرواں نی ہک پتی جیہی ریک اُس نے سرے تلے آئی ہوئی
بانہواں تک پئی آئی ہئی ۔

بایا تُوڑ محمدرا پھوسی گھینٹے حضرتے وچ اسی واٹی منجی تے
پیا رہنا ہیا۔ اوہ ہور ونجے آبی کدھر۔ گوڈیوں گٹیوں اوہ
رہ گیا ہیا ، سُئناں اُساں نہیں ہیا تے اکھیاں وچ اُس نے
مونیا لیہہ آیا ہیا ۔

اُس نا کوئی نہیں ہیا تے اُس نے کچھ ڈھٹھے ہوئے کوٹھے
نے ویہڑے وچ کھاڑے نا ڈنگا تریڈھا پوٹا ساڈے دلاں وچ
دھڑکنا ہیا۔ گل کرنیاں کرنیاں جدوں بی کھاڑے نا خیال آنا ہیا
تاں ساڈے مونہیں چ آئی ہوئی گل ، سوہے لبسدار کھاڑیاں
نال نال کے کچھ نی کچھ ہو وینی ہئی ۔

میں وت تھڑ گیا واں ۔۔۔۔۔۔ گل پئی ہوئی ہئی
نیکاں نے حضرتے نی ۔ جس وچ تھلے پلااں تے میں آرکاں
نے بھار اموڈھا ، تُوڑ محمدے نے چار بیٹے پیا سُننا ہیاں ،
تے اُس نی سچی اکھی چوں اتھرواں نی ہک ریک اُس نے
سرے تلے آئی ہوئی بانہواں تک پئی آئی ہئی ۔

تُوڑ محمدے گانیاں گانیاں اپنے چولے نے تنے نال سچی
اکھی توں آئی پتی لکیر پونجھ سٹی تے جھٹ ہک چپ لیٹ کے
چھتے نیاں کڑیاں رگننا رہیا ، وت آکھن لگا :

” منا ، ہُن تداں میں اپنی بڈ ورتی سناناں ۔۔۔۔۔۔
ہاں تے خدا تیری بھلی وار کہے نکیاں ہونیاں نا قصہ
اے ، ماٹھہ لگی ہوئی ہئی جھکھ ، تے بہوں ڈاڈھی ،
پورے چار ویلے لنگھ گئے ہئے تے میں کچھ نہیں کھادا
ہیا۔ ایہجا بی نہیں ہیا کہ پورے گرائیں وچ سنج
ہو گئی ہووے ، سارے گھار رجے مچھے ہوئے ہئے ،
ختمیاں وچ دانے پئے ہمسے ہئے ، ہر بوسے اگے
لیاری ہئی ، سارے گھروں باہر نکلن ویلے ، حویلی نے

اُچھے بوہیاں چوں بنویں پا کے لگھنے ہئے تے سارے گرائیں
نے شملے اگڑے دیکڑے ہوئے ہئے ۔

تے بھلیا لوکا ، گوڑ مار کے اپنی گورہ رکیہ بھاری
کرنی اے ، ماٹھہ پورے چار ویلے لنگھ گئے ہئے تے
میں کچھ نہیں کھاوا ہیا ۔ وت بی یرا اوہ ویلے چنگے
ہئے ۔ ساری دیہاڑی گلیاں چ رلنا ہیاں ۔ ہکی "تو۔۔۔۔۔
تو" بکتی ، ادھر دوڑ پئے ، دوکے پاسوں واز آنی ادھر
ٹر پئے ۔ تھاں تھاں موٹھہ مار کے ڈاچھ کے او بے

نے او بے ، رچنے ای نہیں ہیاں ۔
تے یرا ، ایہوں ای لنگھ گئی ۔ اساں بگجیاں واں
پتہ ای نہیں لگا ۔ تیرے دارے فی خدا بھلی وار کرے ،
نیک بننا ہیا ۔ برے یرا اوہ گراں آنا کدی کدار ہیا ۔
تے جدوں آنا ہیا ، دونہاں گھوڑیاں تے لدے ہوئے
چاندی نے روپیاں نے توڑے آنا ہیا ۔ پیراں وچ
چربنکڑیاں کھیڑیاں ، واہوا بودے تے دونہاں گھوڑیاں
نیاں واگاں ہتھے چ ۔

اوہ اگے اگے تے یار لوک پیچھے پیچھے ۔
گھوڑیاں تے لدے ہوئے توڑیاں چوں چاندی کرنی
ہئی تے اسی پھننے وینے ہیاں ۔ اسی بی توڑے جس
گھینے ہیاں ۔

بابا نور مخدا بولی وینا ہیا ، تے میں آرکاں نے بھار

ایٹیاں لیٹیاں تھک گیا ہیاں ، تے ماٹھہ موتر بی آیا ہویا ہیا ۔
میں ہولے جیہا اٹھ کھلوتا ، تے مسیتی فی بیچھانی کھل رہیاں ۔ میں
بہوں ساری چر بابے نے دیہڑے چ کھلتے کباڑے نے
بوٹے آن بی تکنا رہیا ہیاں ، برے جدوں آیا واں ، تاں
بابا ادبجوں ای ، اسی پاسے بھار پیا ہویا ہیا تے اٹھے
تک پہنچا ہیا :

"منا۔۔۔۔۔ اوہ بھلے لوک ہئے ۔ جدوں دیہاڑی تے
آنے ہئے تاں ایہوں ، تے جدوں تھڑ وینے ہئے
تاں نماشاں واں چپ چیتے ، اس حفرے کولوں موٹھہ
چچا کے سدھے حویلی در زکل وینے ہئے ۔"
میں بابے آن اٹھے ٹوک دتا :

"کیوں بابا اوہ چپ کے کیوں لگھ وینے ہئے ؟"
بابے نور مخدے ہک واری وت چولے نے تنے
آن اپنی سبھی اکھی تک آندا ۔ جھٹ ہک چپ ٹکا رہیا ، وت
آکھن لگا :

"اوہ یرا۔۔۔۔۔ میں ہن دسا جے وے کہ تھڑ
وینے ہئے ۔ نیک بندیاں کول جدوں غریب غریباں واں
دینے آن کچھ نہ ہووے تاں اوہ ایہوں ای کرنے ن۔
اوہ بھلے لوک بی نماشاں واں چپ چیتے اس حفرے
کولوں موٹھہ لکا کے سدھے حویلی آن چلے وینے ہئے ۔
منا۔۔۔۔۔ رکیہ دساں کہ اوہناں نے دتے ہوئے

روپیاں نال بھرے ہوئے توڑے اسی لانے کیسوں ہیاں
چواں چواں ویلیاں نے بھیکھے بندیاں ۔ ہک بک روڑی ۔
چاندی نا پورا پورا توڑا دے کے گھدی اے ۔ خدا تے
یقین کر ، میں رکیہ اپنی گور بھاری کرنی اے ۔“
نیک لوکو ۔۔۔۔۔ میں ایہہ گل سن کے پاسا پرتتا

ہیا تے ڈاڈھا جیران ہویا ہیاں ۔

دیر تک بابا چپ چپیتا اوہجوں ای پیا رہیا ، تاں میں
اُساں وازاں ماریاں ، اوہ ہکا چپ ۔ میں سمجھا واں جیہوں
سوں گیا اے ۔ حضرے چوں باہر آ رہیاں ۔
ساہنٹے مغلان فی حویلی ہیئی ، رچھتے خنمبیاں وچ دانے
پئے ہسنے ہئے ۔ بوہے اگے یاری ہیئی ۔

تے میرا اجی گھروں نکلن ویلے ، اچی حویلی نے بوہے
چوں نیویں پا کے ، آپنے آکڑے ہوئے شملے آں پیا بچانا ہیا ۔
میں دوڑ کے اجی نیاں طننگاں وچ وڑ گیاں ، تے میں
اکھا ، بابا تُوڑ مخدا پیا آکھنا اے اس ہک روٹی چاندی نا
سبوتا توڑا دے کے گل گھدی اے ۔

میرا پیو ، ایہہ گل سن کے ہسن لگ پیا ۔ وت پچھن لگا ؛
”ادہ کوڑا ہے کتھے دے ؟ ورنج کے دیکھوس ، کدھر
گور ای نا بھاری کہ گیا ہووے ۔“

میں حضرے والے پاسے دوڑ پیا ۔ اسی دوہے اندر
گئے تاں میرے اجی مانہہ دسیا کہ تُوڑ مخدا گذر گیا اے ۔

تے بھلیا لوکا ، میں کوڑ مار کے اپنی گور رکیہ بھاری کرنی لے ۔
گوڈیوں رگیوں میں رہ گیا واں ۔
سن میں نہیں سکنا واں ۔
اکھاں وچ موتیا لہہ آیا اے ۔

رکھ تسی بی آرکاں نے بھارتھک تاں نہیں گئے ، تے
موتز کرنے آں مسیتی نی پچھاں چلے گئے ہوو ۔
پتہ نہیں شاید تساں واں اجے آنا ہووے ، سادی
سدی وچ ، چریٹکڑیاں کھیڑیاں تے واہوا ہووے ، تے
دونہاں گھوڑیاں نیاں واگاں ہتھے پخ ۔
میں اٹھاں ، خالی توڑا لہاں ، کدھر لٹ وچ پچھے ای
نہ رہ جلاں ۔

کھو

ہنیرا پیا ودھتا اے ، تے ہر پاسے چپ چپیت

اے -

” سُننا ایں پیا ، گھوہے چوں چلنے پانی ایں فی واڑ پئی

آنی اے ، جیویں دریا پیا چلنا ہودے -“

” برے کدے ایہجا تکیا اے نہ سُنیا اے۔“

” ہاں۔۔۔۔۔ کدے بی نہیں۔“

دوہے ہک واری وت گھوہے فی کیاری تال کن

دینے وُن -

” اوہ اجلا راہے پچ ای ہوسن۔“

” ہاں۔۔۔۔۔ بہوں جلدی بی پہنچسن تاں ادھی راتی توں

پہلاں رکیہ پہنچسن۔“

اوہ بندھے ہو کے آہنے ساہنے بہہ وینے ، تے
ہکی دوئے دائی تکتے وُن - اوہناں بنیاں اکھیاں چ سب تیاں
اکھیاں -

” کیوں یرا ، رکیہ آگھنا ایں ، اوہناں واں دو ایہجے
بندے لہج وین - - - - میرا مطلب اے ، جہناں تے
بھروسہ کر سیکے ؟“

” تے چہڑے اخیر تے کپ بی نہ پاؤن -“ دوئے ، پہلے
نی گلاں وچ گل ملائی -

” ہاں - - - - ایہا تاں میں پیا آگھنا واں - ماٹھہ تاں
مشکل ای نظری آنا اے -“

” تے اتنی لٹی رٹی - - - -“ پوری گل نہیں کرنا -
” ہاں ، رسی - - - - برے میرا مطلب اے - - - -“

اوہ اپنیاں اکھیاں جھپکانا اے -

وت دوہے اپنیاں اکھیاں جھپکانے ن -

” مکھے - - - - رسی تے بندیاں توں بغیر ، اُس وچ نہیں
لتھا ونج سکنا ؟“

” اوہ تاں ایہا ای زور دینے ہئے ، برے اساں

آپے ای تاں اوہناں واں بندے لہجن بھیج دتا ہیا -“
” تے اوہ رسی تے بندے لہجن نکل کھوتے -“

دوہے ہسنے وُن -

پہلے نی کھٹکاری وچ دوئے نی وار سنی نہیں ونج

سگنی ہئی ، برے دوہے پئے ہسنے ہئے - وت ہک دم ای
چپ بیہے ہو گئے ہئے -

” مکھے - - - - میرا مطلب اے - - - -“ گل چھوہ کے
دوئے دائیں تکتا اے -

” برے - - - - نیک بختا ، سوچ گھن - ایہہ ہیوی آ
بہوں ڈونگھا ، دیہاڑی نے سہے بی پانی نہیں نظری پینا -“

ایہہ گل کر کے اوہ ، کھوہے چ اڑ کے تکتیاں ہوئیاں
نکا جیہا وٹا اندر سٹنا اے ، تے دوہے ہک واری وت کھوہے

نی کناری نال کن لا دینے وُن -

” کمال اے یرا -“

” بس ایہا تاں گل اے ، جساں سوچ کے دل خوف
کھانا اے -“

” میں سمجھتا واں کہ کھوہ ڈونگھا بہوں اے ، اس کر کے
واز نہیں آئی -“

” جیہا - - - - کھوہ ڈونگھا ہووے نا ، تاں نکا جیہا
وٹا بی ” کھن “ کر کے پانی چ لگنا اے -“

” وت رکیہ گل اے ؟ وٹا واز نہیں کرنا ؟؟“

” ایہا تاں میں بی پیا سوچتا واں -“

دوہے چپ کر کے بہہ دینے وُن - کھوہے

چوں بہوں ماٹھی ماٹھی واز ، ٹھہر ٹھہر کے آئی اے ،

جیوں پانی پیا وگتا ہووے -

”ہاں۔۔۔۔۔ بہوں جلدی بی پہنچیں تاں ادھی راتی۔

“۔۔۔۔۔

اوہ سدھے ہو کے آہنے ساہنے بہہ ویتے ن
تے بہکی دُوکے دانی تیکنے۔

اوہناں نیاں اکھیاں پچ سپ نیاں اکھیاں ن۔

آوازاں

نویاں نسلاں آپنے دڈیاں توں سنیاں آئیاں وُن کہ ایہجا
کچھ ہونا اے۔ کدوں ہونا اے؟
کیہجوں ہونا اے؟
کچھ پتہ نہیں۔ بس ہونا اے۔
کوئی آواز دینا اے۔

تے ایہناں صدیاں نے پھیلاؤ وچ، جھٹ گھڑی واسے
وقت پاسا پرتنا اے تے بس۔ اسی اُس آواز نے رُخ تے
سفر کرنیاں ہوياں رکھنے نے رکھنے وُجھ بکلتے اُن۔
اُس دیہاڑے بی اجیہا کچھ ای ہویا ہیا۔

جدوں میں ڈیوٹی تے پہنچن واسطے اپنے گھروں نکلا
ہیاں تے میرے قدم ہسپتالاں نی بجائے ریس کورس

دائیں نکل گئے ہئے تے میں اُس راہے تے پئے گیا ہیماں -
ایہہ میرا اس شہر وچ پہلا دیہاڑا ہیما تے میں چہل قدمی کرنیاں
ہویاں بے خیالی وچ راہ بھل گیا ہیماں -

میرے واسے اوہ راہ توں ہی ہئی برے جیوں کوئی آپے دائیں
پھکی کھڑنا ہیما - اس دیہاڑے اسمان صاف ہیما تے میں شہر نے
شور شرابے توں دُور آوارہ جیہا بہوں دُور نکل گیا ہیماں -

ریس کورس دائیوں پسینہ ہوئے ہوئے ، تھکے تڑپے
گھوڑیاں تے چُست چالاک جوکی ، لانگ بوٹ تے بھجے والیاں
ٹوپیاں پائے قطار در قطار واپس پئے مڑنے ہئے ، تے میں
ہکی پاسے ہٹ کے کھلوتا ہویا ، ہکی اُجاڑ جیہے بنگلے نی
بچھالی ہکلا رہ گیا ہیماں -

میں اُتھے کتنا ہک چہر کھلوتا رہیا ہیماں ، کچھ یاد نہیں
رہیا - بس اتنا یاد اے کہ سڑکاں تے دُور دُور تک کوئی نہیں
ہیا تے اوہ پرانی طرز نی عمارت ٹھڈی چپ وچ ڈُبی ہوئی
ہئی - میں واپس ہوتے چلا ہیماں کہ پچھوں دوڑ کے آنے ہوئے
رہکی گھبرائے ہوئے بچے میرا رستہ روک گھدا ہیما -

”کیوں جی ، تسی ڈاکٹر ادنا ؟ ذرا میرے نال تاں

آؤ -“

میں انکار نہیں کر سکا ہیماں ، تے اس ترکھے قدم
چانے تے ہوا وچ ترنے بچے نے پچھے جیوں تیوں چلا گیا ہیماں
اُس اُجڑے ہوئے بنگلے نی حد بندی گزار کے اسی دوئے اندر

پلے گئے ہیماں - اندر بنگلے نیاں لہاریاں تے اوہ نڈھا
اگے اگے ہیما ، تے ہوانال پیا گلاں کرنا ہیما - وت اوہ
مانہہ اُس عمارتاں نے لمتے تے ہنیرے ورائڈے چوں لگھا
کے ہکی دڈے کمرے تک گھن گیا ، جس وچ دوہرے پلگھے
تے چھٹ پھٹ کبلے وچ لویٹی ہوئی ہک کڑوی اپنی موتو نال
پہی لڑنی ہئی -

اوہ تریہہ سالوں توں ودھ نی نہ ہوسی ، برے اُس
ویلے تاں اوہ ہک ٹہریاں نا ڈھانچہ ہئی تے آخری سانہواں
تے ہئی -

میں جواں پاسے نگاہ کیتی -

اُس نی خبر گیری واسے اُتھے کوئی نہیں ہیما ، البتہ اوہ
ہوانال گلاں کرنا رنگا جیہا نڈھا - - - -

مانہہ اُس مریضہ وچ زندگی نی کوئی رقی باقی نظر نہیں آئی ،
تے نالے ایہہ کہ اُس ویلے میرے کول سوائے سٹیٹھو سکوپ
نے ہور کچھ بی نہیں ہیما - میں اُس بنگلے نڈھے آن چند ہک
ضروری ہدایتاں دتیاں تے دوائیاں نی پرچی ٹول تے رکھ کے
بوچھل قداماں نال باہر نکل آیا ہیماں -

ہسپتالاں نی مصروفیت وچ بی میں اس مریضہ وان نہیں
بھلیا ، برے میں اُتھے نواں نواں ہیماں تے میری اُتھے آمد نال
متعلق بکھت پڑھت تھکا دیون والی ہئی - نواں سا تجیاں نال
جان پہچان نا سلسلہ لما ہو گیا تے میں اپنی خواہش نے

باوجود اُس سے خیر گیری واسے نہیں جا سکیا۔

اس گلاں واں کچھ زیادہ دیھاڑے نہیں ہوئے ہئے برے
میں بھل بھلا گیا ہیاں ۔

آخر کیہ کچھ یاد رکھیا جاگے ۔ اساں لوکاں نال تاں اکثر
ایہجا کچھ ای ہونا آیا اے ۔ برے سُننے آں کہ ایہناں صدیاں
نے پھیلاؤ وچ ، جھٹ گھڑی واسے ایہہ وقت پاسا جیہا
پرتنا اے تے بس ۔

کوئی آواز دینا اے ۔

تے اسی اُس آواز نے رُخ تے سفر کرنیاں ہویاں
کتنے نے کتنے وچ نکلنے آں ۔

اج بی ایہا کچھ ای ہویا ہیا ۔

میں حسب معمول ہسپتال توں پہلی شفٹ بھگتا کے ،
تھکا ترٹا ہویا گھر پہنچا ہیاں کہ رہ رہ کے محسوس ہویا
جیوں کوئی گل بھل گیا ہواں ۔ کوئی گل ، جیہڑی بہوں
ضروری ہئی ۔ کوئی کم ، جیہڑا رہ گیا ہیا ، یا جیوں کسی آں
ملنا ہیا تے بل نہیں سکا ہیاں ۔

میں ایچ ای لک سدھا کرنے آں لیٹ گیا ، برے
ہک عجیب قسم نی بے چینی ہئی جیہڑی کسی پاسے آرام نہیں
کرن دینی ہئی ۔ ساہنے میز تے شیتھو سکوپ چمکنا ہیا پیا ،
تے آپس وچ جڑے ہوئے گرم دستانے اُس نے نال
پئے ہوئے ہئے ۔ چٹا آپرن البنتہ لاه کے رکھنا یاد

ہیں رہیا ہیا ، اس لئی پایا ہویا ہیا ۔

ہک عجیب طرح نی بے چینی ہئی ۔ ہسپتال چوں نکلن ویلے بی
میں بہوں جلدی وچ ہیاں تے وہ منٹ پہلوں ای اُٹھ آیا
ہیاں ۔ جیوں گھار کوئی مزدوری کم ہووے ۔ برے گھار پینچ کے
وت اول بے چینی ۔ بس ، ایہجا لگتا ہیا جیوں کوئی گل ہئی یا
کوئی کم ہیا جیہڑا ہون توں رہ گیا ہیا ، یا جیوں کسی آں
ملنا ہیا ۔ برے رکساں ملنا ہیا ؟

کوئی بی تاں نہیں ہیا ۔

میں دسیا اے نا ، کہ میری جان پہچان نہ ہونے نے
برابر ہئی ۔ سارے شہر نی آبادی وچ کوئی بی تاں ایہجا نہیں
ہیا ، جس نال میل ملاقات رہی ہووے ۔ ہسپتالاں نے
سارے عملے نال میں کچھ ای دیھاڑے پہلوں ، تے زندگی وچ
پہلی واری ملا ہیاں ۔ برے ایہناں صدیاں نے پھیلاؤ وچ ،
جانے کتنے کیتا ہویا ہک وعدہ ہیا ، جیہڑا رہ رہ کے یاد
آتا ہیا ۔ اوہ گل ، جیہڑی کسی نال کرنی ہئی تے کر نہیں
سکا ہیاں ، یا کوئی کم جیہڑا اجلا ہونا ہیا ۔

برے اُس ویلے کچھ بی تاں یاد نہیں پیا آتا ہیا ۔

میں اُٹھ کھلوتا ۔ میزینیاں ساریاں درازاں کھول کے
ہکی ہکی کاغذے نے پُرزے پڑھ سٹے ۔ کتاباں الٹ پلٹ
سٹیاں ۔۔۔۔۔ پائے ہوئے کپڑیاں سمیت ، الماری وچ
ٹنگے ہوئے کپڑیاں نے نکلے وڈے کھیسے ویچھ سٹے ۔

پکن وچ ، جتھے میں اج تک آگ نہیں بالی ہئی ہو آیا ۔
 ہاتھ روم وچ ٹوٹھ پیسٹ تے برش نے نال تازہ کھلی ہوئی
 صابنہ نی ٹھکی تے بالٹی تے ٹنگے ہوئے مگھ توں علاوہ
 صرف ہک بجلی نا بلب ہیہا ، چہڑا کچھ ای وپر پہلوں میں
 آپ بالا ہیہا ۔ بالکنی نی ریلنگ خالی ہئی تے ہینگر تے
 میری ادھ سکی قمیض پئی جھلتی ہئی ۔ سبھ کچھ اپنی اپنی جاگھاں
 تے ہیہا ۔ برے کچھ ہیہا ، چہڑا کچھ مختلف بی ہیہا ۔ میں
 سبھ کچھ اوہجوں ای پیا رہون دتا تے میزے توں
 سٹیٹھو سکوپ تے دستا نے چا کے ایپرن وچ ای
 باہر نکل آیا ۔

میں ہسپتالاں دائیں پرت پینا چاہتا ہیہا ۔ تا کہ
 اُتھے بی ونج کے تسلی کر سکاں ۔ برے میرے قدم
 ریس کورس دائیں نکل وینے والے رستے تے
 پئے گئے ۔ میں بہوں چاہیا ہیہا کہ اس ویران سڑکاں
 دائیں نہ ونجاں ، برے قدم ہے کہ روکیاں نہیں
 رکنے ہئے ۔ ماٹھہ چتھی طرح پتہ ہیہا کہ ہن اُتھے
 کچھ بی نہ رہ گیا ہوسی ، برے میں ٹرنا رہیاں ۔
 دُور دُور تک کوئی نہیں ہیہا تے سڑکاں نے
 دوئہاں پاسے سفیدے نے سدھے درخت چھتری
 بن کے کھلے وئے ہے ۔ سبھ ہتھے نی کنڈیاں والی
 تار تے کھتے ہتھے نے چپ چپتے برے آباد گھراں

نی قطار آں گزار کے اُس اجاڑ بنگلے نی سد بندی تک پہنچ گیا
 میں شاید ریس کورس والے پاسے ، دُور کھلے علاقے وچ نکل
 وینا چاہتا ہیہاں ، برے میرے پیر ڈاڑھے ہونے گئے تے
 میں ہک واری وت اُس ویران بنگلے نے گیٹ تے ونج
 کھلوتاں ۔

اُس دیلے چنگا بھلا جانتا ہیہا تے پیشی رنیاں
 بانگاں اجلا نہیں ہوئیاں ہیہاں ۔ میں جانے کتنی دیر اُتھے
 کھتا رہیا ہوساں ۔ پھر میں ریس کورس والے پاسے وینے
 نا خیال چھوڑ دتا تے رنگے نے مارے ہوئے لوہے
 نے گیٹ آں اندرے والے پاسے دھکا دے کے
 اُس پکی راہداری تے ٹر پیاں ، جس رنیاں رتیاں اٹماں
 راتی نی بارشاں دھو سٹیاں ہیہاں ۔ میں دیکھیا کہ آپس وچ
 پگھ پگھ ہونی تے ہر پاسے ودھنی گھاہ نی کٹائی داں
 ہک تما عرصہ ہو چلا ہیہا ، تے پیلی پینی ہوئی گلی گھاہ
 تے سکتے پتراں نے ایند لگے ہوئے ہے ۔ اُس
 پکی واطماں نے دوئہاں پاسے اٹیخیر تے چنار رنیاں
 دو طرفہ قطاراں وچ کسی ہکلی قاز نی پچیک میرے
 واسے رستہ پئی بنانی ہئی ۔ شامی نی ہر پاسے دگنی ہوا
 وچ اجلا ہلکی ہلکی تھنکی نا احساس موجود ہیہا تے میں
 اپنے آپ وچ گم اُس ہنیرے ورائڈے رنیاں
 بیڑھیہاں تک جا نکلا ہیہاں ۔

میں چوکیدار نال رکیہ بحث کراں با - جھٹ پک - بہہ
کے اٹھ کھلوتاں -

میں جدوں باہر نکلا واں تاں یاد آیا کہ چوکیدار توں
اُس ہوا نال گلاں کرنے نچھے تڈھے نے بارے پج تاں
میں پچھنا ای جھل گیا واں - باہر فی خاموش ٹھڈی واٹاں
توں لکھنیاں میں اُتے نگاہ کیتی ، جھتے انجیر تے چنار
نیاں درخشاں تے بے انت تے بے حساب اسمانی تارے
لیہہ آئے ہے ، تے کالے شاہ اسمان تے رُکے ہوئے
چتے نارنگ پیلے پئے گیا ہیا -

محکم نامہ

کالے شاہ وٹیاں نی جاگھاں جاگھاں توں ادھڑی ہوئی
سرکاں نے اس موڑ تے قافلے قیام نہیں کرنے ،
چپ چاپ لگھ وینے وُن - لدے ہوئے پنچراں تے
گھوڑیاں نال چلتے مسافر ہک ذرا جیرانی نال اس پاسے
تیکنے ضرور ہن ، برے ٹرنے رہتے وُن -

داستان گو آکھنا اے کہ کدی گیاں ویلیاں وچ اتھے
جھٹ گھڑی ساہ گھدیاں بغیر کوئی قافلہ اگے نہیں ودھنا
ہیا ، برے ہن تھکے ترٹے ہوئے قدم ادھروں لگھن
ویلے ذرا ترکھے اُٹھتے وُن تے جے قیام کرنا ہووے
تاں ذرا فاصلے تے جھکی جاگھاں پہنچ کے ساہ
رگینے وُن -

داستان گو گیاں ویلیاں واں یاد کرنا اے تے دسنا اے
 کہ چنگے موسماں وچ ، جدوں اسماں صاف ہونا ہیا تاں ، رات
 ہووے یا دیہاڑ اتھے ، اس جاگھاں اگی نا آوا ہر ویلے
 تپیا رہتا ہیا ، تے اُس تے مڑی ہوئی گردن ہر ویلے
 مڑی ای رہنی ہئی ۔ لوہا گھٹنے نی آواز دُور دُور تک سُنی
 وینی ہئی تے گھوڑیاں نے ہنکنے نی وازاں وچ
 مٹھے پانی نے پوے تے نفع نقصان نے جھگڑے
 کئے وچ نہیں آئے ہئے ۔

اس دُور تائیں پھیلے ہوئے پہاڑی علاقے وچ
 موسماں نا فرق کردی نہیں پیا ۔ راتی نی راتی واسے
 سیٹیاں و جانی ٹھڈی سیخ وا چلنی ہئی ، پیشی ویلے
 گہرا ختم ہو وینا اے تے سردی نا زور ترسٹ
 وینا اے ۔ ایٹھے تک کہ جھکیاں علاقیاں وانگر
 سردیاں نا موسم بی جیوں تیوں لگھ ای دینا اے ۔

برے داستان گو یاد کرنا اے تے سردیاں
 نیاں لمیاں راتاں نا بیان کرنیاں ہویاں آگھنا اے
 کہ بس ہک واری اجیہا کجھ نہیں ہویا ۔

جدوں کہرا پیا پینا ہیا ، تے ختم ہونے وچ
 نہیں آنا ہیا ۔ رات دیہاڑ ہک ہو گئے ہئے ،
 ہتھے آن ہتھ نظری نہیں آنا ہیا ۔ ایہناں کالے
 وٹیاں نی جاگھاں جاگھاں توں اُدھڑی ہوئی سرٹکاں

نے دونہاں پاسے پھیلے ہوئے اس پہاڑی علاقے چوں
 غصیل سیخ ہواواں تیراں وانگر شاں شاں کرنیاں پئیاں
 لگھنیاں بیاں ۔

ایجھے موسم وچ کون ہیا جیہڑا اُدھرے نا موٹہ
 کرے ہا ؟

دونہاں پاسے چلے ہوئے قافلے جتھے نے ہئے
 اتھے ای نے ہو کے رہ گئے ہئے ، تے
 ایہہ کجھ چٹنگا نہیں ہویا ہیا ۔

داستان گو اس گلاں تے حیران ہیا تے دکھ نال
 ہتھ ملتا ہیا کہ دونہاں پاسے رُکے کھڑے قافلیاں نے
 مسافراں وچوں کسی ہکی بی کیوں نہیں سوچیا ہیا کہ اس
 کہرے نے مارے ہوئے علاقے وچ ، سرٹکاں
 نے اس موڑ تے کوئی اللہ نا بندہ پھینے نی کوشش
 پیا کرنا اے ۔ اُس نا لک دوہرا ہو گیا ہیا ، تے
 سچے توں ودھ ایہہ کہ ادھ ہک اکلی جان
 ہئی ۔

اُس نے چواں پاسے کہرے نی موٹی چادر
 تنی ہوئی ہئی ۔ ادھ غصیل تے سیخ ہواواں نے
 ساہنے ہیا ، تے اُس نے کھولے توں کوئی
 ویہہ قدماں نے فاصلے تے جھکی جاگھاں وچ مٹھے پانی
 نا چوا ، جم کے بہتر ہو گیا ہیا ۔

”سانگی استادانِ تہکات“

سُٹنے آئے آں کہ گاہ تے دیہاڑیاں وچ پتلے بدلاں
 نیاں آوارہ مٹکڑیاں دلاں وچ دراڑاں پا دینیاں - سیٹیاں
 مارنی ہوا وچ چیک سٹنائی نہیں دینی ، تے آسمانی
 بجلی برچھی نے چکارے آں کھا دینی اے -

بس ایہجے ای دیہاڑے مئے - اجلا پوری طرف
 سردیاں نہیں آئیاں بیاں تے کھلے ، بھرے ہوئے
 میریاں تے چوواں پاسوں بدل چڑھے بئے -

گرائیں نے نئے نئے نڈے گرمیاں نیاں لمیاں دوپہاں
 نے خاتمے تے افسوس کر چکے ہئے - پوری پارٹی نے
 ہتھیاں چ گھسے ہوئے تماشے نے بد رنگے پتے ہئے -
 ہکی ددے کوہرا مار کھا کے کسی نتیجے تے نہیں

پہنچ پائے ہیں کہ آج جتنا کون اے تے ہارا کون -

”آخر جت کس نی ہوئی؟“ کسی ہکی پٹھیا -

”جت - - - - ہمیشہ ٹیکری والے نے ہونی لے۔

جت مغل نے مغلے نی ہوئی اے“ ساریاں

ہک زبان ہو کے جواب دتا -

مغل میں ہیاں - مغلے نے مغلے نا سیم والا

ٹھٹھا فرش . گھپ کمرہ تے بغیر تاکاں نیاں چوکور باریاں

۔۔۔۔۔ جہناں وچوں ہنیرا اندر آ وڑا ہیا -

وت ویکھیاں ای ویکھیاں کھپ پئے گئی - سارے تڈھے

ہنیرے وچ ہکی دوئے تے پئے ڈھینے ہئے - ہر پاسے

ہینیاں جتیاں نی آواز نے نال تڈھیاں نیاں چیکاں مغلے

نیاں باریاں وچوں ہنیرے آں باہر دھکنیاں چواں پاسے سار

نے جنگل تک نکل گئیاں -

مغلے وچ گھپ چپ کر کے جتی پہنی رہی -

آج بی مغلے نا مغلے اوچا ای ہیا جیوں میرا پو دادا

چھوٹ کے گیا ہیا ، تے مغلے وچ اپنے وڈکیاں نے نقال

چھوکرے - سیم والا فرش ، گھپ کمرہ تے بغیر تاکاں نیاں

چوکور باریاں ، تے اوہناں چوں اندر ڈھینا ہنیرا -

جدوں ہوش آیا اے تاں جتی میرے ستھے وچ ہئی

تے سمجھ وچ نہیں آنا ہیا کہ کس پاسے چلا واں - اندر نے

ہنیرا سہا ہویا ہیا - میں جھٹ گھڑی جتی رکھ کے چھیٹھیاں نا

پورا زور لایا :

”کوئی ہے؟“

اندر ہنیرے نال مگرا کے میری واں پھینتے پھینتے ہو گئی -

مسکینے آگے ودھ کے یوہا کھول دتا -

مغلے نے اندر ہسٹرہ ہیا تے باہر چواں پاسے

سیٹیاں مارنی تیز ہوا تے سار نا جنگل بولنا ہیا - عین اُس

ویلے زور نال بجلی کڑکی تے آساں دوہناں آسمان تے اڈنے

پھرنے ، مٹی رنگے بدلاں داہیں تک کے گوڈیاں نے بھار

اپنے پیزار ڈھونڈن لگ پئے -

کچھ دیر بعد ، جدوں اسی مغلے نی مہاٹھاں تے

بیٹھے ہوئے ہیاں ، تاں ایجوں لگا اے جیوں گرائیں توں

دو کوہ پرے جرنیلی سڑکاں تے بجلی ڈھٹھی ہرے -

”یار سٹھنے آں کہ موتو کولوں کچھ دیر پہلوں مرنے

والے نیاں اکھیاں وچ ایہیا ای ہنیرا تانا تن

گھینا اے“

”کیہ مطبل؟“

میریاں اکھیاں نیاں دوہے پتلیاں گھڑی گو

گھڑی واسے اڈیاں رہ گئیاں ، تے میں نکلیا کہ ساہنے

تا منظر ڈاڈھا مندا ہیا۔۔۔۔۔ جاگھاں جاگھاں توں اُدھریا ہویا

ہنیرا۔۔۔۔۔

”میں پیا آگنا ہیاں کہ جدوں بندہ مرنا اے نا ،

تے دوپہر بی ہووے تاں ایجوں لگنا اے جیوں
شاماں پئے گئیاں ہوون -

”اچھا“

”یرے یار ، رک گل نہیں سمجھ آئی -“ ادہ بڈے
نی مہاٹھاں تے بہ گیا -

”کدھرے ساڈ تال بی ایہا گچھ ای تاں نہیں پیا
ہونا - کدھرے ایجوں تاں نہیں کہ باہر دوپہر ہووے
تے اساں شام بنائی ہوئی ہووے -“

مسکینے ایہہ گل کر کے ماٹھہ بی بھمبل جھوسے

وچ پا دتا -

”یار ، اسی کتنی گو دیر کھیڈے ہوساں ؟ جیوں
تاش کھیڈ کے ہٹے آں تاں رکیہ ویلا ہیا ؟ تے
اج وت ساریاں دوستاں وچ جھتی چلی ہئی کہ ؟“
یہں مسکینے تے اتنے بہوں سارے سوال

کر دتے -

”یار ، ماٹھہ تاں ایجوں لگنا اے ، جیوں ایہہ
سب کچھ کسی پرانے ویلے نی یاد ہووے - کدھرے
اسی دوہے مغلان نی اس مہاٹھاں تے دم ای نہ
دے وشجاں -“

اتنے تک پہنچ کے دونہاں واں سپ سٹگو گیا -
سبٹیاں مارنی ہوا وچ سار نا جنگل دڑ وٹ گیا -

”مد شامی نی بانگ سنی ہئی ؟“ بہوں دیر بعد
مسکینے سوال رکینا -

”نہیں - - - - - یرے ہو گئی ہوسی ، اساں خیال نہیں
کیتا -“

”یار اتنا خیال تاں رکھنا چاہی تا اے تا - کدھرے
ایہا نہ ہووے کہ کسی دیہاڑے باتنگاں ہوون ای
نہیں ، دوپہر ہووے ، تے ساڈیاں اکھیاں وچ شامی نا
ہنیرا لیہہ آوے -“

اسی دیر تک حُضریٰ نی مہاٹھاں تے ایجوں ای
بیٹھے رہے ، وت خیال آیا کہ کدھر اساں دونہاں واں
گھروں نہ پئے بھنے ہوون - ایہہ سوچ کے اسی اُٹھ
کھلوتے تے باہر اپنے سرے توں اچت کھلتی سار آں
دونہاں ہتھاں نال ہٹانے ، تیز تیز قدم چانے گھراں دائیں
ٹر پئے -

اجلا کن من شروع نہیں ہوئی ہئی یرے بدل چوواں
پاسوں ٹر پئے ہئے - سار نے جنگل چوں لگھ کے
اسی دوہے ، چپ چپتے گرائیں نی ڈھنا تال پئے ٹرنے
ہیاں کہ حضرت صاحب دایوں نوتباں نی آواز سُنائی دتی -
اسی دوہے حیران پریشان کھلو گئے -

اج جمعرات بی نہیں ہئی - وت رکیہ وچہ ہئی ؟ یرے
نوتباں نی واز برابر آئی ہئی پئی -

خدا جانے اسی دوپے کتنی دیر تک حریان کھلتے رہے
 ہوساں - انج لگنا ہیما جیوں ڈھنا نے کنارے نا چکڑ ساڈے
 قدماں وچ اٹھ آیا ہووے ، تے ہولے ہولے اسی اُس نے
 وچ ڈینے ویئے ہواواں - ڈھنا نے کنارے وڈے وڈے
 پیلے ڈڈو گلا سجا سجا کے پئے گانے ہئے ، تے حضرت
 صاحب نے دربار دائیوں نوبتاں فی واز ہواواں نے نال
 رل گڈیر ہو کے ساڈے بچے کھتے توں ہو کے پئی لگھنی
 ہئی -

ساہنے جرنیلی سرطکاں نے پار ، بجلی ہک واری وت
 ڈھٹی تے میں تکیا کہ میں دربار تے مجھنے اُپتے
 بدلاں نے گھرے وچ اچکے ہئے تے نئی نئی نوبتاں
 فی واز -----

کھلتیاں کھلتیاں مسکینے ہک چیک ماری تے کمان
 چوں نکلے تیر وانگ میرے کولوں اگے نکل گیا - میں
 ڈھنا نے پانڈیے وچ ڈھینیا ڈھینیا رہ گیاں ، تے
 بڑی مشکل نال جان پچائی ہئی -

وت انج لگا اے جیوں وقت ٹھر گیا ہووے -

میں کمانا کمانا ، چور قدماں نال ، ساہ روکیاں اپنی گلی
 تک آیا - ڈیڈویں نا بوبا گھلا ویا ہیما - ماٹہہ ڈیڈویں چوں
 وہڑے تک وینچنے وچ شاید بہوں وقت لگ گیا -

ساڈے گھار وہڑے وچ ایہیوں لگنا ہیما جیوں دیہوں

منے ڈیا ہووے - میرے گھر پر تنے تے کسی توجہ نہ رہی
 دتی - وہڑے وچ نال نال پٹیاں ہوئیاں وانے نیاں منجیاں
 تے کوئی نہیں ہیما تے کونے وچ شریہہ تلے تندور نے
 تھڑے تے ہلنا جھلنا پرچھاٹواں میری اپنی ماڈ نا ہیما -

بڑا عجیب جیہا لگا ہیما - ہنٹے تاں انج لگا ہیما جیوں
 راتی نا دوا پھر ہووے -

میں باہر نکل آیاں -

نوبتاں فی واز باہر گلیاں وچ رلنی پھرنی ہئی - میں
 اُس آواز فی انگلی نپ کے ، بے سوچے سمجھے حضرت صاحب
 نے دربار دائیں ٹر پیا - لوکاں نے جھتے نے جھتے اُس
 پاسے پئے دینے ہئے - گلے وچ رُمبالاں فی جاگن نویں

دستر خوان لوھٹے ، چریکنیاں کھیڑیاں نے نال ہر قدم
 تے برچھیاں تے ہاکیاں ٹیکنے ، ماہیے نے بول ہکی دوئے
 کولوں کھنے ، ویرو تاجے باجے والے جوان - ادہناں وچ پٹا پٹی
 جھگے والا ہک جوان سروٹہہ نے تیل نال چوڑیاں ہوئیاں گل چچیاں
 تے ہتھ پھیرنا ، لمے لمے ڈگ بھرنا ، اگے اگے پیا ٹرنا ہیما -

اسی مغل شہزادے ، اکثر پنپیاں دوپہراں وچ اپنے پالتو
 گتیاں نال تاجے باجے تک پھیسے ہوئے میرے وچ گڈراں نے
 پچھے نکل ویئے : ہیماں ، تے جدوں ہنیرا پئے وینا ہیما تاں
 تاجے باجے نیاں کھلیاں فضلاں اُجاڑنے ، لٹ مار کرنے ،
 لکڑے مارنے واپس آنے ہیماں -

میں تاجے باجے نے اکثر ٹڈیاں واں سیاننا ہیاں ، برے
اس جتھے پچ ماٹھہ کوئی بی جانا پہچانا موٹھہ مہاندرا نظری نہیں
آیا ہیا ، تے اوہناں نے ماہیے نیاں اُچیاں تاناں ساڈی حویلی
نیاں کدھیاں ترپ کے ائدر ویہڑے پچ بھاتیاں پٹیاں
پاتیاں ہیاں ۔

”بے غیرتے ۔۔۔۔۔ دے“

ایہ تاجے باجے والے ساڈے وڈیاں نے کامے

ہئے ۔

ماٹھہ کچھ بی چنگا نہیں پیا لگنا ہیا ۔ میں اُکھے ای
کھو وٹجاں اسا برے پتہ نہیں کیوں میں اوہناں نے پچھے
ٹرنا رہیاں ۔

حضرت صاحب نے دربار نال سیٹھاں نے اُچے قحڑے
تے دُور دُور تک لوک بیٹھے ہاسا ٹھٹھا پئے کرنے ہئے ۔

وچ پڑ بنا ہویا ہیا تے دربار نے اُتے ہواؤ وچ
زور زور نال اُڈتے جھنڈیاں تے تلے ملنگاں نے ڈیرے وچ
نوبت پئی وجتی ہئی ۔ ملنگاں نی پھیری توں گھن کے دربار نی
کدھی تک سراں تے مشالاں پٹیاں بلنیاں ہیاں ، تے اُتوں
چواں پاسوں شکنے بدل دربار تے اکٹھے ہو گئے ہئے ۔
تماشا شروع ہوون والا ہیا ۔ نوبت روک دتی گئی ۔

میں بہوں دیر تک یکھے تے فیکے واں بھنا رہیاں ، برے

اوہ نظر نہیں آئے ۔

پڑے نے وچکا ۔ دریاں ڈاہنیاں ای سازندے آ گئے
تے اوہناں نے پچھے پچھے بئے ستورے ہوئے سانگی
چھوکرے ۔ اوہ جواں پاسے پھر تر کے مشالاں نی پھکی
روشنی پچ اداواں دسنے ہئے ۔

ہکی دوئے نے مقابلے وچ لکڑے تے سیٹیاں
مار مار کے دونہاں گرانواں نے جواں بے حال ہو گئے
ہئے ۔ پڑے نے وچکار رکھے ہوئے گیساں نی روشنی وچ
وڈی مشال والے سانگی اُستاد ”ہا“ بھری ۔

”ہا“ نی تیز آواز ہر پاسے ودھنے نا جیلہ کرنی
اُتے اُٹھی ، برے دربار نیاں کدھیاں تے موڈھے نا موڈھے
جوڑ کے کھلتے لوکاں نے گھیرے آں نہ تروڑ سکی تے
اُتھے ای ٹھہر گئی ۔ اُتے مٹی رنگے بدل کچھ ہور اُڈ
کھوتے ہئے ۔

میں فضا وچ سارنگی نی تکھی آواز آں جھیاں ہویاں
تکنیاں ، سُننا رہیاں ، نظراں نال ناپناں رہیاں ۔ برے
اُس جی ہوئی آوازاں نے بے شمار رنگ ہئے ۔ ہکی دوئے
توں دکھرے ، آپس وچ حل نہ ہوون والے ، تے دربار نے
حاطے وچ دشمنیاں نے لمے سلسلے ہئے جیہڑے ساڈے
گراہیں توں تاجے باجے تک نکل گئے ہئے ۔

زمانے گذر گئے ۔ گاہے نیاں دیہاڑیاں پچ ، کسی ہکی
برچھی نے چمکنے پھل جیہڑی مٹونے نی لہر سر توں گذاری ہئی ،

اس لہر وچ اج بی درنہاں کوانوں نے پہچان مگی ہوئی ہئی۔
 بلنی مشالاں نی پیلی ریشنی چ "با" بھرن والے
 سانگی اُستاد نا کھلا ہویا موٹہہ اتے دانیں اُچت ہیا،
 اُس نا پک ہتھ کتے تے ہیا تے نوٹیاں ہوعیاں
 اکھیاں -

اُس ویلے تاں ایہجوں گنا ہیا جیوں اُسے پاسے
 بیٹھے ہوئے لکڑے مارنے جوان تے نچے سبھ اُس
 "با" بھرن والے اُن پئے رونے ہوون ، تے چھم چھم
 کرنے مرنی پوڈر کیتے ہوئے سانگی بڈھیاں نے مہاندرے نا
 لیپ پانی نال وگ گیا ہووے ، اوہناں نیاں چھاتیاں نے نقلی
 اُجا۔ مک گئے ہوون ، تے تیز بارشاں اوہناں نے ریشمی
 زناں کپڑیاں وچ چھپے ہوئے مروانہ جہاں واں ظاہر کر دتا
 ہووے -

میں حیران پریشان ، ترکھ کر کے اُٹیاں تے نال والی
 گلی چ کد گیاں - میں گھرے وائیں نکل وینا چاہنا ہیاں
 برے گھرے وچ تاں اچے ہن دیہوں ڈبا ہیا۔ ساڈے
 ویہڑے وچ ڈریاں ہویاں دانیں نیاں منجیاں ، اجی نے
 مرلینے نیویں لالٹین تے کونے وچ شریٹہہ نا درخت ---
 --- ایہجوں گنا ہیا جیوں لگاتار پتر پئے ڈھینے ہوون۔
 میں ہنیری گلی وچ ہیاں ، جھٹ نا جھٹ ایہجوں لگا
 اے جیوں کڑکئی دوپہراں ماٹہہ گبیر گھدا ہووے - میں

پیروں پیر واہنا ، اکھیاں وچ ہنیرے نا غبار گھن کے
 جھٹک جیہا گیاں -

"ویل۔۔۔۔۔ ویل ، تاجے باجے شیر گبھار نی ویل
 ---۔۔۔۔۔ بک روپے نی ویل ، ہزار نی ویل -"

میں فٹو فٹ پرت ہیاں - میں تاجے نے شیرے
 گبھار اُن بک نظر تننا چاہنا ہیاں ، جس پچھلے ہنفتے منڈی
 وچ لمی کوڈی کھیڈنیاں ہویاں تینچی مار کے میرے لالے
 نی ٹنگ بھن دتی ہئی۔ میں بہوں سمجھ پیر مارے ، برے
 شیرے نیاں کھاہاں توں روپے نا نوٹ سانگی نڈے نی
 بڈھسی نال اٹھنا نہ ویچو سکاں - میں اپنے بالکل سامنے کھلتے
 ہوئے آپے ٹرے والے نا موڈھا دایا :

"شیرا کتھے اے جی ؟"

"اوہ ساہنے ، کھٹا ہویا اے اپنی ماڈ نا خصم - پٹا پتی

چولا پایا ہویاں -

میں اجلا پٹا پٹی چولے وچ اُس ماڈ نے خصم اُن
 نہیں بیان سکيا ہیاں کہ میرے سچے کتھے چوں بہوں ساریاں
 آوازاں اکھیاں آئیاں - اوہ سارے لوک شیرے نیاں کنواریاں
 نال اپنے اپنے رشتے پئے جوڑنے ہئے - وت کن من شروع
 ہو گئی - رنگ وچ بھنگ پئے گئی -

پڑے وچ دوئے پلکیلے نڈے اسی طرح واری واری
 پئے گانے ہئے تے اوہناں نے ہر ٹھکے تے فریاد نی

آنی ہئی۔

”ویل۔۔۔ ویل، لکھ نی ویل، شیرے تاجے باجئے

نی پنجاں واریاں نی ویل۔۔۔۔۔ ہکی روپے نی ویل۔“

کھلتے ہوئے بلنی مشال والے سانگی استاد ہودپے

نا توٹ اپنی بگڑی وچ رکھیاں ہویاں بک واری دت ”ہیلر“

بھری :

س

مرمہ تے دنداسہ مستی، ہونٹاں تے لگانی این

آکھنا ہیوی عیدالکریما، جھلی ملکھوں کیوں گمانی این

میں گلی نے ہنیرے چوں اگے نکل کے چانٹے

وچ وینا چاہنا ہیاں، یکہ پتہ پٹا پٹی بولے وچ شیرا تاجے

باجیا تپری پے ونجے۔ برے میں اجلا اگے نکلنے نا راہ ہی

پیا بھنا ہیاں کہ کسی میرے کالر وچ ہتھ پا کے ماٹھہ تچھے

چھک گھدا۔

اوہ مسکینا ہیا۔ ہنیرے وچ اُس نے چمکنے شاہ کالے

مہاتدرے تے شیطانی مسکراہٹ ہئی تے اوہ ہتر ہتر

پیا کمنہ ہیا۔

”میرے تچھے تچھے آ“ اُس کھس کھس کیتی۔

اُس نی جیچہ رواں نہیں ہئی۔ اوہ لٹے لٹے

قدم جانا ہنیری گلی نے اندر کیہہ گیا۔

سانگی استاد چار پیتے توں بعد اُدھالے وال مشہور

کبت شروع کر دتا ہیا۔ پنچنے والے ہڈھیاں نیاں کنڈاں

تے وجنے چڑے نے پٹاکے نی ”ٹھاہ ٹھاہ“ گرائیں نے

باہر وار تھے ہوئے کالے شاہ ہنیرے تک رنکل گئی تے

اُس توں بعد لوکاں نے ہاسے نی واز ہئی

ہن باقاعدہ بارش شروع ہو گئی ہئی۔

”ہویا یکہ اے؟“ میں مسکینے نا پچھ لگ رکھ کے

پچھیا۔

”بس نکل آ مرزیا۔۔۔۔۔ توں نہیں جاننا این۔ اج

ٹون خرابا ہو کے رہی۔ تاجے باجئے خالی ہتھ نہیں

آئے، ہر ہکی نے ڈب وچ طمانچہ ای، تے اپنے

گرائیں نے مرزے بی ڈاڑھی تیاری چ اُن۔

بس جھٹ گھڑی نی دیر اے۔ ہکی دوئے اُن ڈاہ کے

رکھ دیں۔ اج کچھ ہو کے رہی آ۔ مرزے، توں

دُشمن واری والا این۔ بس نکل آ۔“

میں ڈھینا گڑنا مسکینے تچھے ٹرنا رہیاں۔ میں آپ

کچھ چر پہلوں کڑکتی بجلی نے چانٹے چ، دربار نے تچھے

اندر کوٹ توں آون والے ایٹہ رشتے داراں نے ہتھاں چ

چادراں وچ لوسیٹیاں ہوئیاں برچھیاں تنکیاں ہیاں۔

اسی دوئے گلی نا لہما پکر کٹ کے حُضریے والے

رستے تے پے گیاں۔ ہن گراں بک پاسے رہ گیا ہیا

تے ساہنے کچے رستے نے نالوں نال ڈھننا نے ٹھہرے ہوئے

پاشیئے پچ سرمہ سلائی والی بارشس ہوئی ہئی پئی۔ حضرت نے چوڑاں پاسے ودھی ہوئی ساراں پچ پانی پینے نی وازاں نال دربار دایوں آئی ڈھولکاں نی واز تے گھنگرواں نی چھم چھم پناہ پئی لجنی ہئی۔ ہن مینہہ اپنے زوراں پچ ہیا۔

اسی پتیاں تک چکڑ پچ ٹرنے رہے۔

”یار۔۔۔۔۔ توں شیرے آن تکا ہیا؟“

”ہاں“۔ مسکینے ادبجوں ای کمئیاں کمئیاں

جواب دتا۔

”مرزیا۔۔۔۔۔ خدا نی قسم اے، اُس نیاں اکھیاں وچ خون لتتا ہویا ہیا تے اُس نیاں ڈولیاں رتیاں مچھیاں تڑفئیاں ہیاں پتیاں۔ میں آپ تکا ہیا۔ و ت ادہ اوتھوں اُٹھ کے باہر نکل گیا ہیا۔ میں اُتھوں ای اندازہ لگا گھدا ہیا کہ اج کچھ ہو کے رہسی۔“

میرے اگے اگے مسکینا لے ڈگ بھرنا

ٹری وینا ہیا۔

اُس نے چکڑے پچ ٹرنے نال ”بچاک ، بچاک“ نی آواز تے اُٹھنے چھٹے، میرے موڈھیاں توں گئیاں تک چکڑے نالیپ پئے کرنے سئے۔ جساں سرمے سلائی والی تیز بارشس دھونی

وینی ہئی۔

”مرزے، پار سال یاد ای، ایہناں ہی دیہاڑیاں پچ

شیرے گھیار نی بھینٹوں نا ادھالا ہویا ہیا۔

تاجے باجے والیاں لمتی کوڑی دچ بھی مار

کھاہی ہئی تے تکہ بی کٹوا بیٹھے سئے۔ برے

یار، اس واری تاجے باجے بڑی نیاری نال

آئے دن۔ ماٹھہ تاں لگتا اے کامے اپنی

اوقات سچل کئے ن۔۔۔۔۔ شیرا اپنی بھینٹوں

نے ادھالے تا بدلہ گینسی۔“

میں اسی طرح ٹرنیاں ٹرنیاں ”ہاں ہوں“

کینتی۔

اجلا اسی جرنیلی سڑکاں واں نہیں پڑھے ہیاں کہ

اُتے تلے ”ٹھاہ ٹھاہ“ نیاں تیز آوازاں چوڑاں پاسے جھی

ہوئی ہنیرے نی چادراں واں پیرنیاں ہوئیاں نکل

گئیاں۔ ایہہ سانگی استاد نے ہنھے پچ پیے موئے

چھڑے نے پٹے نی آواز نہیں ہئی۔ ایہی لگتا ہیا،

جیویں طمانچہ چل گیا ہودے۔

”مرزے، سانگی ٹڈھیاں نے کٹڈاں تا کمال تکیا

ای۔ بر پاسے ”ٹھاہ ٹھاہ“ کرا دتی نا۔“

میرے اگے اگے ٹرنے مسکینے گل ہک

یادوت چھو ہی۔

” یار کدھرے گڈ بڑ نہ مو گئی ہووے - ایہہ طمانچے
نی آواز لگتی ہئی -“

” ہو سکنا اے - برے یار ، لڑائی نی بنیاد

بینیا بی دیر لگتی اے -“

” بنیاد کس گلاں نی ؟ کوئی گنجائش رہ بی

گئی اے -“

” کجھ پتہ نہیں چلنا یار - اج اسی پتے سمجھنے

ہیاں کہ دیکری نا ویلا ہوسی ، برے پتہ لگا کہ

شامں پئے گئیاں - باتنگاں اساں نہیں سُنیاں -

گھراں پج کوئی جھٹ بک پہلے دیہوں ڈُوبیا

اے - - - - - چنگیاں بھلیاں تکیاں ہوئیاں

شبیئاں بی اوپریاں اوپریاں پٹیاں لگنیاں -“

مسکینا چُپ ہو گیا -

اسی درہے جرنیلی سڑکاں تک آکے نکلی پئی

تے بہ گئے تے چُپ نا کھرا ہر پاسے دودھنا رہیا -

پئی نے تلے وگتے پانیئے نے شور وچ دوروں

آنی ڈھولکاں نی تھاپ سُنائی دینی رہی -

اساں داں اُنھے بیٹیاں بیٹیاں زمانے لنگھ تے -

بک ویلا آیا کہ ڈھولکاں نی تھاپ نی سُر وگڑ گئی -

تے سیکراں نال سکرا تے پانی نی سرگم رہ گئی -

وت پئی نے دونہاں بریاں تے چانٹا ہویا تے

ساتنے دربار نے اُچے جھنڈیاں نے پچھے بجلی چمکی

تے گرائیں وائیوں آنی بک مَشکی گھوڑی اساں

دداہاں بنیاں اکھیاں وِچ سُر گئی -

ہیں تکیا کہ گھوڑی تے پٹا پٹی چولے والا

بندہ اڑا ہویا ہیا تے اُس نے لکے

وِچ پچھوں آئی سوئی بک زنانہ بانہہ ہئی -

میرے خیال نی تصدیق مسکینے کر دتی - برس

شیرے نے پچھے بَشکنی گھوڑی نے کون ہئی - - -

اسی نہیں پہچان سکے -

جرنیلی سڑکاں تے آون توں بعد - گھوڑی

بنیاں ٹاپاں نے نال اُٹنیاں چنگا - یاں اساں

دوتہاں تکیاں - پٹا پٹی چولے نال لوصیٹیا ہویا

زنانہ وجود نال گھدیاں ہویاں شیرا کبیر

ہوا ہو گیا ہیا - اُس نی مَشکی گھوڑی

بنیاں ٹنٹکاں وِچ کمانیاں لگیاں ہوئیاں - بیٹیاں

تے اُس نا پٹا پٹی چولا جھنڈے و تگور

پھڑکنا ہیا - ایہوں لگنا ہیا جیوں اوہ کبیر سمون

اں تنبیاں سمیت لاہ سسئی -

اساں جرنیلی سڑکاں نی پئی تلے بک عمر گزار

سٹی ہئی -

میں مسکینے نے برے تے چھکنے چاندی والاں
واں تکیا -

” یار ، مسکینے ، اسی تاں ہڈے ہو گئے
اں “

اوہ شیطانی ہاسا ہسنا رہیا -

وت اسی ہڈیاں وانگن ٹرنے ، اپنے اپنے
برے تے چاندی والاں نا بوجھ چایاں ، گوڈیاں
تک چکڑے چوں لگھ کے گرائیں والے رستے تے
پے گئے -

اگلے ریہاڑے ، گرائیں وچ کسی جاگھاں بی اسان
راتی ن اڈھالے تی گل نہیں سٹنی - کسی دسیا
کہ مرزیں نے لکھریاں تا تاہے باجے والیاں
کوئی جواب نہیں دتا ، تے شیرا کھار
اپنے گوڈیاں وچ سردے کے بیٹھا رہیا
ہیا - بے غیرتے یکہ جواب دیون سا -

میں اپنے برف پروٹے اُتے چا کے ہڈیاں
اکھیاں تال مسکینے اں تکیا -

” مسکینے ، ایہہ ہڈے یکہ دسنے وُن “

” مرزے ، کدی کدی ایہوں بی ہونا اے کہ
باہر دوپہر ہودے تے اسی سمجھاں شاماں
پے گئیاں “

مسکینے اپنی ڈسٹھی توں وازاں چ جواب

قصہ کہانی

مکنی گل ای اے کہ میں کدے بی اُدھار گھن کے واپس
نہیں کیتا - میرا خیال ہیا اُدھار گھدا ای اس واسے وینا اے
کہ واپس نہ کیتا جھلے - میں پچھلے پنجاں سالوں فی بیکاری
نے دنوں وچ اتنا اک اُدھار گھن چکا واں کہ واپس کرن
تے آواں تاں اگلے پنج سال جھکھا بیٹھا رہواں - برے اج
میں ستاہراں روپیاں نا منی آرڈر بھیج کے دو سال
پہلوں کھاوے ہوئے اُدھارے کھانے نا بل ادا کرنا چاہتاں -
صرف ہک بل جس نا کدے کسی نہیں پچھا - برے جس
مانہہ ہر ویلے اپٹھا دکھائی رکھا اے -
ہن اُس ہوٹلے نا پتہ مانہہ پوری طرح یاد نہیں - بیا ،
برے میں ای جاننا کہ ایہہ پیسے اُساں پونچھ دیسن - میرے

بیہا صیند، بندہ اس نے پیسے نہیں مار سکا تاں ہور کوئی نہیں
مار سنا۔

وہ پہلوں اس شہر چوں آئیاں۔ آخری دیہاڑے، کاؤنٹر
تے پئے ہوئے رجسٹر تے دستخط کرنیاں، میں اس نال
جھوٹا وعدہ کیتا ہیا کہ گھار پونہچنیاں ای سارے پیسے
بھجوا دیساں، تے اُس جواب دتا ہیا۔ اویرا میرے پیسے
کدھر نہیں دینے۔ بے نعم رہو۔ میرے ہوئے تاں آپے
پونہچ ویسن۔

تے میں اس ویلے سوچیا ہیا۔ ”توں بی بے نعم رہو۔
میں کدے ادھار واپس کرنے واسے نہیں گھدا۔“
برے اچ پہلی تنخواہ بھئی اے تاں ادہ یاد آیا اے۔

میں اٹھا لٹکیا ہویا اس ناپتہ یاد کرناں۔
میں اپنے آپ اں اچ پہلی واری اتنا کمزور پیا ویکھناں
میں اس تنخواہ چوں ہک پیسہ بی ادھار لاہنے چ ضائع نہیں
کرنا چاہتاں۔ برے میں کیکہ کراں میں بے بس اں تے
اوہ پیا اگھنا اے:

”یرا، میرے پیسے کدھر نہیں وینے۔“

اچ تنخواہ گینے ویلے دستخط کرنیاں ماٹھہ اُس نے
کاؤنٹر تے پئے ہوئے رجسٹر نے دستخطاں، وت ہک
واری سرے نے بھار کر دتا اے میں اُس نے ہوٹلے وچ
اپنا پہلا دیہاڑا یاد کرنا واں۔

اس دیہاڑے کسی پاسوں روٹی نی درک نہیں ہئی تے میں
اس شہر نا ماتر پتر ہکی ہکی جیہی بند ہئی تی مہاٹھاں تے بیٹھیا
ہویاں اس ہوٹلے نے اندر باہر ہونیاں لوکاں واں پیا ویکھنا
ہیاں۔ پتہ نہیں کیجوں تے کیکہ سوچ کے میں بی اندر وڑ گیا
ہیاں تے رج کے روٹی کھادی ہئی۔ بعد وچ چاء پی کے
میں آرام نال کاؤنٹر نے کولوں ہو کے باہر نکل آیاں۔ اس بی
پچھوں واز نہیں دتی۔ میں پورے ست دیہاڑے روٹی کھانا
رہیاں تے اُس جننے نے پترے پرتایا تہیں۔

آخری دیہاڑے میں آپ ای کاؤنٹر تے کھلو گیاں۔ اوہ
ماٹھہ کھوتا ویکھ کے دُوئے پاسے ویکھنے اں لگ پیا۔۔۔۔۔
میں گھار پونہچنیاں ای سارے پیسے بھجوا دیساں۔

اوہ یرا، میرے پیسے کدے آپے پونہچ ویسن۔
میں اُتھے ہکی سنگیے نال گل کیتی تاں ہس پیا۔ آکھن گھا:
”میں تاں بُڈاں پہلوں دسا ای نہیں ہیا کہ غریب نا بال
مارا ویسی۔ سچ پچھیں تاں دیلے بیویلے میں بی اُتھوں ای پیا
کھاناں۔ برے یار لوک اگھنائے۔ اوہ اپنا کھادا پیتا حدوں
چاہوے رکھا گھنے۔“

وت اُس ماٹھہ ہک کہانی سنانی کہ ہوٹلے والے تا
ہکا پتر ہیا، عمر ہوسیں کوئی ستاراں اٹھاراں سال۔ بڑا
سوہنا۔۔۔۔۔ اوہ گم ہو گیا۔ پورے پنڈراں دیہاڑیاں بعد
شہر نے ہکی بند مکانے چوں ہک لاش بھئی، بالکل ننگی۔

شناخت کرنے تے پتر لگا کہ اسی نا پتر اے - لوکاں نا ٹھاٹھاں
 مارنا سمندر ، جس وچ اوہ ہکلا ، ہر بندے نے مونہیں داہیں
 پیا دیکھنا ہیہا - کسی بندے اُس نی اکھی چوں اتھرو کرکھنیاں
 نہیں دیکھا ہکا چپ -

رولا پیا - پلس وایاں پچھ گچھ کیتی - اس توں پچھا گیا کہ
 کسی تے شک آ گیا تاں دس - اوہ آکھن لگا : " میری کسی
 نال دشمنی نہیں میں کس تے شک کراں ؟ "

کچھ لوکاں واں اسی نے ہوٹلے تے کم کرنے والے
 ہکی بڈے نوکرے تے شک ہیہا - برے اُس نا ہکا جواب
 ہیہا " میں کس تے شک کراں ؟ " اُس بندے تاں میرے
 پترے اُن اپنے ہتھاں دچ کھڈایا اے - ای اس نی
 پیو نی جاگھا اے - تسی آپ دسو میں اس تے کیجوں
 شک کراں ؟

گل پرانی ہو گئی تے لوک جیل بٹلا گئے -

اوہ نوکر چپ چپ رہون لگا - دیکھنیاں دیکھنیاں اُس
 نے سرے نے سارے وال چھٹے ہو گئے تے لوکاں چاء
 دینیاں اُس نے ہتھ کن لگے -

ہکی دیہاڑے اوہ صبح ہوٹلے تے نہیں آیا - شاہیں محلے
 نیاں بندیاں داں اُس نی کوٹڑی چوں اُس نی لاش بھی -
 اس ہوٹلے تی ای چھری نال اپنی پگھی لاء سٹی ہئی - اس
 موٹو نے گواہ محلے نے نکتے نکتے دو بچے سٹے بیہناں نے

سامنے دیہاڑی دیے اس مرنیاں ، اقرار کیتا ہیہا کہ ہوٹلے
 والے نے پترے نا قاتل میں ای آں -

اس گلاں بڑے دیہاڑے ہو گئے نہیں - ویچھ کے
 دستو میرے سرے نے وال چھٹے تاں نہیں پئے ہونے -
 میں کمینیاں ہتھاں نال منی آرڈ - رکھناں -

ننگے ننگے دکھ

رات ہوئے ہوئے میرے توں اپنی چٹنی چھک گھدی
 ہٹی تے میں اُس چٹنی تھلوں ننگ مُننگا ابا سیاں گھینا
 اکھ کھلوتا ہیاں۔

میں پہلوں دس بیٹھاواں کہ ایہہ اج سویرے نی گل
 اے۔

میں اپنے سوتری نے پلگھے تے پاسا پرتا ہیا، تے
 دھوانکھے ہوئے اندرے بنیاں کدھیاں تے نظر کیتی ہئی۔
 میرے پواندے دائیں گھل مکی باری چوں سویرے نے
 تارے ماٹھہ اکھ ماری ہئی، تے چپ گیا ہیا۔

اُس ویلے ماٹھہ لیہوں لگا ہیا جیوں دھوانکھے ہوئے
 اندرے پچ کوئی کھٹکاری مار کے ہسیا اے۔

ایہہ اج سویرے نی گل اے - میں اٹھ کے چواں
پاسے ڈٹھا ہیا ، برے کوئی نظری نہیں آیا -
ایہہ کھٹکاری کس ماری ہئی - ایہہ ہستن والا کون
اے ہلا ؟

میرے اندرے ریاں دھوانکھیاں ہوئیاں کدھیاں میرے
توں ودھ کے حیران ہیاں -
میں دیر تک باری پچ کھلوتا رہیا ہیاں ، تے ساہمنے
رات نی راٹی کدے اپنا سر سبے پاسے سٹنی ہئی تے
کدے کھبے پاسے - اوہ میری حالتاں تے ہسنیاں ہسنیاں
ڈھے ڈھے پیننی ہئی تے میں حیران کہ ہن میرے ای
ہتھے نے لائے ہوئے بوٹے ، میرے تے کھٹکاریاں
مار مار ہستن لگ پئے ن - کیہ ویلا آ گیا اے -

میں اپنا سر دوہاں ہتھاں وچ نپ کے گوڈیاں بھار
اٹھے ای بہہ گیاں -
بہوں چہ پہلے نی گل اے ، میں نکا جیہا ہیاں
تے میری ماء ماٹھہ سواون ویلے اپنی سرے نی چٹنی
میرے مونہہ تے پا سٹنی ہئی -

اس چٹنی ریاں چہ پٹھاں چوں اُس نے ساٹھواں نی
خشبوتے لوریاں نے ہلارے میرے اندر ڈھینے رہے
ہئے -

اوہ نیک بخت اپنی ہر اک لوری وچ ہواواں

نال ای گلاں کرنی ہئی -
کدھرے اکھنی ہئی ، تسی ونجو ، تے میرے منے
نے اجی آں ونج کے آکھو ، کیہا ڈاڈھا تنگ کیتا ہویا
ای ، کدھرے پرت کے پھیرا پا ونج -

برے ہواواں ہیاں کہ چپ چیتیاں لگھنیاں رہنیاں ہیاں
----- ساریاں گلاں توں بے خرتے بے پرواہ -
کدے کدے اس نے ساٹھواں نے ہلارے ،
ماٹھہ ہواواں نے رولیاں گھولیاں وچ بدلاں نے وس
پا ویٹے ہئے تے میں اُس نے اتھرواں وچ ڈبنا ترنا
سوں رہنا ہیاں -

تے میرا اجی ، لام تے گیا ہویا ہیا -

ہواواں اپنے کولوں ای جھوٹھ سچ جوڑ کے میری ماء آں
آستانیاں ہیاں ، تے اوہ جھلی خوش خوش ، ماٹھہ گھدی گھدی
کدے سچی کدھی توں نال والی آں واز مارتی ہئی تے کدے
کھیتی کدھی توں مبارکان بھلتی ہئی -

اوہ ہواواں نال گلاں کرنی ہئی ، تے میں اُس نی چٹنی
نے نئے نئے سیک وچ کدھرے ہس پینا ہیاں تے کدھرے
اوہ ہسنیاں ہسنیاں اکھیاں نے بدلاں واں ٹھم کے نہہیں
رکھ سکتی ہئی ، تے میں ڈبنا ترنا ، لاماں دائیں نکل ویٹے
نے منصوبے بنانا ہیاں -

ایہہ ہواواں بی کیہ وُن - سارے زمانے نے اکلاپے

رُسمے تے نفرتاں گھدی گھدی کدے کدھر نکل و بنیان تے
 کدے کدھر۔ نفرتاں تے محبتاں نی پنڈ کھلی ہونی ہئی اے۔
 سیانے آکھنن کہ جدوں زمی تے کچھ نہیں ہیا۔۔۔
 ۔۔۔۔ پنکھ پکھیرو کچھ وی نہیں۔۔۔۔۔ بندہ ہیا نہ
 بندے نی ذات۔ ایہہ زمی، اگی نا آوا ہئی تے اس زمی
 تے کئی سو سال تک میٹھہ وسنے رہے ہئے، تے ہواواں
 چلنیاں رہیاں ہیاں۔ مدتاں تک ایہا کچھ ای ہونا رہیا ہیا،
 تاں کدھر ونج کے اس دھرتی تے پھلاں تا تے ساویاں
 پتراں نا موسم آیا اے۔ ایہہ ہواواں ای ہیاں جیہتاں
 کر کے وڈے میٹھہ توں بعد راتو رات ہر پاسے مچھل
 کھڑ پئے ہئے۔

اس ویلے چھڑیاں ہواواں ای چلنیاں رہیاں ہیاں
 تے تاں کدھرے اس مٹی آں بولنا آیا اے۔
 تاں کدھرے دھرتی تے آدم پہلی کھٹکاری ماری اے۔
 اوہ ہیا اے ایہوں لگنا اے جیوں اوہ بہوں دیر
 تک ہسنا رہیا اے۔ تدا ای تاں ساڈے ویلیاں پچ ہاسے
 مک گئے۔

سچی گل تاں ایہہ اے کہ ہر شئی تا آخر تک انت
 اے۔

ہاسے تے مٹھے بولاں تا بی اخیر انت ہونا اے۔
 اسی اپنے چنگے ویلے گزار بیٹھے آں۔ مہن کیہ اے؟

اسی دیکھنے آں کہ ہواواں نیاں واچھاں چھریاں ہوئیاں ن،
 تے ساڈیاں روئیاں شکلاں ہواواں ہر پاسے ہاسا پایا
 ہویا اے۔

میرے اجی آں بی جھٹ گھڑی ہسن بولن نا ویلا مہتھ
 آگیا ہوسی، ایہجا نہ ہووے آتاں میری ماء، نیاں لوریاں پچ
 لام نے میداناں داہیں سدے نہ ہوون سا۔
 میرا اجی، لام نیاں میداناں جوں پرت کے نہیں
 آیا۔ اوہناں ہواواں وچ ای کدھرے رل رل گیا۔
 میں نکیاں ہونیاں کئی واری ستیاں ستیاں یا ٹرتیاں
 پھرنیاں۔ ہوں ہولا جیہا تھا پڑا اپنے موڈھے تے
 محسوس کیتا اے۔

میرے اجی نے مہتھ ہواواں وچ رل رل کے بی
 اوہ بیجھے ای رہے۔
 میری ماء آکھنی ہئی، ایہناں تھا پڑیاں نال کدھرے ڈھے
 نہ پویں۔

”ماہ“، جھلی نہ ہووے تاں، اپنے اجی نے
 تھا پڑے نال میں ڈھے پیساں؟

برے ماٹھہ کدھرے کدھرے ایہوں لگنا اے کہ ای
 ہواواں ماٹھہ چپ چپ ویجھ کے سارے جہان نے
 ہاسے تے مٹھے بول میرے آسے پاسے ڈھیر نہ
 لا دیوں۔ تے میری کسے دیہاڑے اکھ کھلے تاں

دستار بندی

اج نویں سردار فی دستار بندی ہوئی -

راتی نے پچھلے پہر توں ، ساری آبادی وچ خوشیاں
پیاں منائیاں وینیاں ہیاں -

مدتاں توں لوکاں نے موٹھہ مہاندرے تے ، جیہڑا
برڈل نا لیب کر دتا گیا ہیا ، اوہ ہن ہولے ہولے سچڑ
گیا ہیا -

سویرے جدوں ، مسکینے آں ترمیتی جگایا اے تاں اُس
نیاں اکھیاں چوں لہو پیا ترونا ہیا ، تے سارا سریر جیوں تڑپنا
ہیا پیا - وت بی اوہ ترپ کے اٹھ بیٹھا -

اجلا دیہوں نہیں چڑھا ہیا -

نئے نئے چاننے وچ اُساں ترمیتی نے موٹھہ تے مدتی

رونق نظری آئی - چائنا ہوئے ہوئے ودھنا ہیا پیا -
 مسکینے اباسی گھینیاں ہویاں ، نال نی منجی تے ستنے
 ہوئے اپنے پترے آر تکیا ، جس نی چھاتی تے نویں سردار
 نیاں حمایتیاں اپنا خاص نشان مک دتا ہیا -

مسکینا ، ہر نویں سردار تا حمایتی ہیا ، اس واسے
 اسان عوشی ہوئی - پڈھڑی ماء اپنی منجی تے پاسا
 پرتنیاں ، تے کھنگھنیاں ہویاں سبھی سویر نی پہلی گل
 کیتی :

”پترا ، نیک شگن اے ۔۔۔۔۔ کل راتی توں بدل
 بدل کٹھے ہوئے دین - ساڈا نواں سردار ، خدا
 اُس نی جیاتی کرے ، نیک بخت اے ۔“

اُس اسان آر تکیا تے جلدی جلدی تیار ہون لگا -
 ”شام اے تے تسی دشمنان وچ گھرے
 ہوئے او ۔“

آبادی نے سبھ توں سوہنے جوان نی وار ۔۔۔۔۔
 کدھروں دُوروں بیئی آئی ہی - مسکینے سر پھنڈیا ، اس
 واسے کہ اوہ پرانی گلاں واں مہل وینا چاہنا ہیا -
 اُس بہوں سوہنے تے جھلے جوان نے خیال وچ سارے
 سردار کھو جک ہئے - اس کہہ کے اوہ بہوں سوہنا جوان
 اپنے جیہاں سر پھریاں واں نال لا کے ساری ساری راتی
 گلیاں وچ گجنا پھرنا ہیا -

اوہ سارے سر پھرے ، چیک چیک کے اپنے خیال
 موجب ستیاں ہویاں واں جگانے تا کم کرتے ہئے :
 ”شام اے تے تسی دشمنان وچ گھرے ہوئے
 او ۔“

اوہ سوہنے تے سر پھرے جوان ، آبادی
 نے وڈے میدان وچ بھانڈیاں کے سردار نے خلافت لوکاں وچ
 نفرت ودھانے ہئے ، ایہیاں گلاں کرنے ہئے ، جیہڑیاں
 پڈھے چٹ کاپڑاں واں سمجھ ای نہیں آنیاں ہیاں -
 برے ایہہ تاں بڑی پرانی گل ہو گئی اے -
 اوہ سوہنے تے سر پھرے جوان ، وت نظری
 نہیں آئے -

سالا کچھ ادھجا ای رہیا ، برے ہک گل بڑی اوپری
 جیہی ہو گئی - پرانے سردار ، کیتا رکیہ کہ اپنی دستار تے
 تلوار نویں سردار نے حوالے کیتی تے آپ اللہ اللہ
 کرن لگ پیا -

مسکینا، تیار ہو کے باہر نکلیا تاں اُس نی اپنی چھاتی تے
 بی نویں سردار تا خاص نشان پیا پچکنا ہیا ، تے ہتھ وچ کئی
 سو ساں پرانی کھونڈی ہی ، جیہڑی ہکی زمانے وچ ، اژدہا
 بن کے وڈیاں وڈیاں بلاواں کھا ویتی ہی - برے ہن
 ایہہ معجزہ کھس گیا ہیا ، اس واسے کھونڈی نے دوہاں
 پاسے ، لوہے نی شام چڑھا وتی گئی ہی -

مسکینا ، سرسٹ کے آنا ہیا پیا۔
 جدوں اوہ ، وڈے گھار کول پہنچا تاں اُس تکیا
 کہ بہوں سارے مزور اکٹھے ہوئے وئے ہئے۔
 مسکینے بیڑی آں آگ لائیاں ہویاں ، اوہناں کولوں
 سویرے سویرے موٹہہ جوڑ جوڑ کے پھس پھس گلاں
 کرن نی وہر پچھی۔ سارے مزور ہک زبان ہو کے بولے:
 ”سرکار میری۔۔۔۔۔ وڈے گھار آں سجانا ایں ،
 راتی ڈیوے بی بلسن۔“

مسکینے اوہناں مزوراں نیاں اکھیاں وچ مشالاں
 بلنیاں آپ ویکھیاں ، تے مزوراں واں اُس نے موٹہہ
 تے رنگلیاں پینگھاں پینیاں نظری آئیاں۔
 گلی چوں لگھنیاں لگھنیاں ، اُس تکیا کہ ڈھکی تے
 چاء نے کھوکھے چوں ہکی بد شکلی بندے باہر جھاتی
 پائی ، تے آکھن لگا :

”سرکار میری۔۔۔۔۔ راتی ، وڈے گھار ،
 سارے گرائیں نیاں کتوریاں گڑیاں گھیوے
 نے ڈیوے بال کے دُعاواں منگسن تے جھکیاں
 وچ روٹی و تڈیسی۔“

مسکینے ، خیالاں ای خیالاں وچ لیراں وگاٹے
 جھکیاں تے زور آوراں واں کھپ پانیاں تے
 گھسن گھسی ہونیاں تکیا۔

اُس بد شکلی ہور بی بہوں کچھ دسیا۔ مسکینا
 اگے ودھ آیا۔ راہے وچ اُساں ایہے بہوں
 سارے بندے لکڑے ، جیہڑے خوشی ناں نچنے پھرنے
 ہئے۔

مسکینے آں نویں مردار نیاں بہوں ساریاں گلاں یاد
 آئیاں جیہڑیاں اُس آپ ، وڈے میدان وچ مشالاں
 والیاں جواناں تے گرائیں نے چٹ کاپڑاں واں
 سٹائیاں ہیاں۔

کچھ ای چہر پہلوں ، اس ہکی مزورے تی
 نکي جیہی مشوم گڑی آں دوہاں ہتھاں ناں اُتے چا کے
 پیار کیتا ہیا۔ نکي گڑی پاٹا ہویا چولا پایا ہویا ہیا ،
 جس چوں اُس نیاں پسلیاں گنیاں وچ سکھیاں ہیاں۔
 نویں مردار ، لوکاں نے اکٹھے وچ کھلو کے
 وگڑنے ہوئے موٹہہ مہاندریاں نی گل کیتی تے لوکاں
 ناں مشورہ کیتا کہ کیہ کریے جے لوکاں نیاں شکلاں
 تے رونق آوے۔

ہر پاسوں رلیاں ملیاں وازاں آئیاں رہیاں۔
 ہر کوئی اپنی پیا ٹھیلنا ہیا۔
 برے جلدی ای مردار نے مہاندرے تے
 وٹ پے گئے ، مردار ہوراں ، جلال وچ آ کے اپنا
 ہتھ اچا کیتا تے آکھیا :

”ایہہ وڈا تے اوکھا کم اے ، ماٹھہ آپ مراقبہ چ
بہنا پیسی“

پہلوں تاں سارے بندے تریہہ گئے ، برے
اُس توں بعد کتاں نیاں تاکڑیاں پھاڑ دیوں والا
شور پئے گیا ۔

لوکاں اپنے سرے نیاں پگاں لہ لہ کے اسمانے
دائیں وگاہ ماریاں تے اُس توں بعد آپے وچ گھسن مکی
ہو گئے ۔

وت کدھرے جا کے نورانی شکلاں والیاں بندرگاں
کھلو کے سردار نے چوگردی منتر پڑھ پڑھ کے
سردار فی لئی جیاتی فی دُعا منگی ۔ بہوں سارا مہرل
دھکھایا گیا ، جس فی خوشبو دُور دُور تک
کھنڈ گئی ۔

اس اکھ توں مڑنیاں ہویاں ، مسکینے اں
بہوں سارے سرے ہوئے گاؤں یاد آئے ، تے
لوکاں نے اسمان دائیں اٹھے ہوئے ہتھ ۔ حریان پچیاں
نے مونہہ تے بڈھیاں ٹھیریاں نیاں خوشی وچ اتھرو
کیرنیاں اکھیاں ، جیہناں واں گھڑی گھڑی بڈھڑے ہتھ
اپنے موڈھے نیاں میلیاں چادراں نال پئے
پو پچھن ہئے ۔

داتی ویٹے جدوں مسکینا گھار پرت کے آیا

آبادی نے تنگ جتے ہنیرے بیجھے بزار وچ بڑا رونق مید
ہیا ۔ نکے نکے ڈیوے ہر پاسے پئے بلنے ہئے ، تے
لوکاں فی ہکی لئی جیہی قطار وچ روٹی پئی وڈینی ہئی ۔
گھار وچ ڈیوے فی نمی نمی نو وچ مسکینے فی
بڈھی ماؤ کلام پاک ، اں بڑے سوہنے ریشمی کپڑے وچ
پئی لوسیٹنی ہئی ۔

مسکینے اں ماؤ دسیا کہ ذرا ٹھہر کے ادھ وڈے
گھار ویسی تے جیون جوگے توں سردار اں ایہہ خدا نا
کلام پینچا آسی ۔

اج مسکینے پہلی واری اپنے گھار اتنی راتی تک اپنی تریہتی
پتڑے تے ماء ہوراں واں جاگنا سکنا ہیا ۔ روٹی کھا کے
ادھ گھروں باہر نکل آیا ۔

اچن چیتے اُس فی نظر پرائے سردار ہوراں تے
پئے گئی ، جیہڑا عام جیہاں چیریاں وچ ہیا ، تے لوکاں
واں روٹی پیا ورتانا ہیا ۔

وڈے گھار مڑواں واں وینے فی اجازت نہیں ہئی ۔
گرائیں نیاں کنواریاں گڑیاں راتنگے چیریاں وچ دُعاواں
پئیاں منگنیاں ہیاں ۔ ساریاں نے ہتھیاں وچ بلنے
ڈیوے ہئے تے لوکاں تا ہک اکھ ہیا جیہڑا اوہناں
دائیں تک تک کے ہتھیاں نے اٹکھٹھے پیا
چو پنا ہیا ۔

مسکینا اپنے من نی لہر وچ ، آبادی چوں ذرا
 باہر نکل آیا۔
 ہن اوہ ہنٹی کچے راہ تے پیا ٹرنا ہیا۔ ذری ذری
 واء پیٹی مچلنی ہئی تے سرہوں نا ٹھاٹھاں مارنا سمندر
 اُس نے چواں پاسے دُور دُور تک اٹھنا ڈھینا
 ہیا پیا۔

اُس مڑ کے پچھے تکیا۔ نہی نہی روشنی چ
 ساریاں آوازاں ڈب گئیاں ہیاں۔ فر پتہ نہیں اُس نے
 دلے وچ ریکہ آئی اے کہ پرت پیا۔ تے لھے لھے
 قدم چانا وڈے گھار داہیں ٹر پیا۔ وڈے گھار نے
 پچھلے پاسے چپ چپیت ہئی۔ کنواریاں گڑیاں رنیاں
 وازاں تے اوہناں سر پھریاں نیاں چھیاں ،
 رلیاں رلیاں ہوئیاں ہیاں۔
 مسکینا وڈے گھار نی کدھ ترپ کے اندر
 چلا گیا۔

اُس تکیا کہ ہنیرے وچ کوئی ہک وجود ،
 دُورے وجود توں دکھرا ہویا اے۔
 لمی گھا وچ بیٹھی ہوئی ہک جوان گڑھی لھے لھے
 ساہ پیٹی گیننی ہئی۔

مسکینا ودھ کے اگے آیا ، فر ڈر کے پرت
 پیا۔ راتنگلے پیریاں وچ جوان گڑھی ہئی تے اُساں ساہ

چڑھیا ہویا ہیا۔ اُس نے بوٹھ پئے کمنے ہئے۔
 مسکینا ذری ہک دیر کھلوتا رہیا ، فر اُس نا جی
 رکتا کہ وڈے گھار داہیں جاون والے اُس دُورے وجود
 آں وچ نیے ، برے اوہ پتھر نا ہو کے رہ گیا۔
 اُس دُورے وجود آں اُس پہچان گھدا ہیا۔۔۔۔
 ۔۔۔ اوہ نواں سرور ہیا۔

رات — ایک

اُس آبادی پرچ ازلاں توں ہنیرا ہیا -

چواں پاسے ، وڈے تے گھنے کواٹھہ ہئے ، بیہتاں نی
 آدازاں نے شرلاٹ اُتھے نے ماحول آں ڈراونا بنا دتا ہیا -
 آبادی نے وسنیک اُس ڈاڈھے ہنیرے پرچ اپنا ساہ
 گھٹینا محسوس کرنے ہئے - ہولے ہولے اوہناں نے موٹھہ مہاندرے
 پیلے پئے گئے ، تے ہتھ پیرشل ہودوں لگے - برے اوہ جینا
 منگنے ہئے -

اُس گھپ ہنیرے پرچ ، جتھے ہتھے آں ہتھ سُجھائی نہیں
 دینا ہیا ، جیاتی تا کاروبار جاری ہیا -

لوکاں اپنے گھراں تے ہزاراں پرچ نیکے نیکے ڈیوے
 بال گھدے ہئے - ہزارے رینیاں دکاناں تے گھار ، اُجاڑ

قبرستاناں آر ہئے ، چہناں نے مجور ، جیوں تہوں اپنی رکھی
 نے دیہاڑے پئے پورے کرنے ہئے ۔
 گل مخلوق ہکی دوائے کولوں ڈرنی ہئی ۔
 ایجوں تاں ہکی دوائے کولوں ڈرنی کوئی وجہ نہیں ہئی ،
 برے اوہ سارے بڑیاں اوپریاں فکراں پچ ہئے ۔
 ہکی دوائے نال گلاں یکہ کرنے ہئے ، گوشے کرنے
 ہئے ، تے گل کرن توں پہنے ڈیوے نی نہی لو وچ
 ہکی دوائے نیاں شکلاں چنٹی طرح پہچان گھینے ہئے ۔ متے
 کسے تریئے بندے تک گل پیٹھ وچے تاں کوئی مصیبت
 بن کھلووے ۔

سیھے اپنے گھراں پچ بیجاں واں بہولی بہولی گل کرن
 نی تلقین کرنے ہئے ۔ اوہناں ساریاں ، گھراں نیاں کدھیاں تے
 وڈے وڈے اشتہار ٹنگے ہوئے ہئے ۔
 " کدھیاں نے بی کن ہونے ن "۔
 " اچھی واز وچ بولن تے مصیبت تہاں تے ای
 نہ آسی ، سارے گھرے پچ مصیبت اٹھ کھلوسی "۔
 اُس آبادی نے بڈھے چٹ کاہڑ ، چہناں بہوں
 پہلوں اس اُجاڑ جاگھاں پچ پہلی مصیبت بناون نا خواب سکیا ہیا ۔
 ہن پشیمان ہئے ۔

ہویا یکہ کہ اوہناں اتھے آباد ہوں ویلے خیال کیتا ہیا کہ
 دیوں اپنا رستہ بدل گھنسی تے اس بھاری جاگھاں پچ بی چانٹا

ہو ویسی ۔ برے ہن اوہ اس ازلاں نے ہنیرے توں اک
 کے پچھتاناں ہئے ، تے اپنے اندراں پچ چھپ چھپ کے
 رونے ہئے ۔ اوہناں نیاں مریاں مریاں گل گھوٹو وازاں پچ
 وین ، راتی نی چپ چڑانگ پچ دور دور سنینے ہئے ۔ مدتاں
 توں روون والے اس گلاں نا خیال رکھنے آئے ہئے کہ
 آبادی نے دوائے وسنیک اوہناں نی وجہ توں اوکھے نہ
 ہوں ، برے ہن ، اس ازلاں نے ہنیرے تے ہماں
 توں اک کے کدی کدار کوئی ہک ادھا بندہ گلا پھاڑ پھاڑ کے
 چیکن لگ پینا ہیا ۔

" چانٹا ۔۔۔۔۔۔ چانٹا ۔۔۔۔۔۔ "

چپ نی چار دیواری تڑپنی ہئی تاں لوک ڈرے نال
 کمن لگ وینے ہئے ، اس کر کے کہ ہن عذاب
 چھٹ پیسی ۔

ایہہ خیال کر کے ای چیکن والا بندہ مروینا ہیا ۔
 کچھ دیہاڑیاں بعد جدوں اُس نا مڑوہ خراب ہونا ہیا
 تاں اُس نی بخشیش واسے دُعا کرنے ہئے تے اُساں عزت احترام
 نال دینے ہئے ۔

اُس نی قراں داہیں مہتھ کر لوک قسماں کھانے ہئے ، تے
 اپنے پیاریاں واں اُس نے بھڑے انجام توں ڈرانے ہئے ۔
 جدوں ساون نی پہلی کئی پینی ہئی تاں آبادی نا ہتیرا
 ہور ودھ وینا ہیا ، برے ادھا دیہاڑے ہونے ہئے جدوں

لوک مدتناں بعد آپے چ ہس بول گھینے ہئے۔

موسم نکلنا ہیا تاں پھتاں تے پھل کھڑے ہئے۔

گڑیاں سرسہ دنداسہ کر کے اپنے اپنے لمبے نے
گاون گائیاں ہیاں، تے اپنے منگیوے فال کڑھنیاں

ہیاں۔

برے ایہہ سارا کجھ تھوڑے دیہاڑے ای رہنا ہیا

رمتاں بدلیاں ہیاں تے وت اوہا ہنیر۔۔۔۔۔

وت لوک اپنیاں پاٹیاں اکھیاں نال ایہجے نظارے

تکھے ہئے کہ اوہناں نیاں جیہجاں تالواں نال جڑ وینیاں

ہیاں تے بڈھڑے چٹ کاپڑ خیالی شہراں نے خواب

تکن توں بی رہ وینے ہئے۔

لمیاں مدتناں، اس آبادی نے وسنیکاں کجھ

ایہجے چکر وچ چکرا کے عراں گال دتیاں کہ ہلی نہیں

تے سلی نہیں۔

اوہ ایہجے اسمانی تارے ہئے جیہڑے ترمٹنے ہئے تاں

اپنے پچھے لمیاں لیکاں چھوڑ وینے ہئے۔

اس نہ ممکن والی رات چ، چند ہک سیاٹے

تے نیک لوکاں اسمانی صحیفے آپو لکھ لکھ کے ہنیرے

نیاں وسنیکاں تک پہنچائے۔ تہ لمیاں مدتناں بعد سارے

ڈھینے گڑھنے اکٹھے ہوئے تے اپنے ای چوں چند جواتاں

واں اوہناں امام ضامن بڈھے۔

جواتاں واں متھیاں تے پیار دے کے دیویں آ لہجہ
کڑھن واسے گھل دتا۔

ساریاں دروازیاں نیاں مہاٹھاں تے کھلو کے پچیاں

تے تریمتاں اپنے ہتھ تے سرے نے پیرے ہلا کے

اوہناں واں خدا نے سپرد کیتا۔ جھڑلیاں والے موٹہہ مہاندریاں

واں کسی ان ڈٹھے خوف نیاں لکیراں ہور بڈھا کر دتا۔

بہوں دیہاڑے لکھ گئے۔

گئے ہوئے نہیں پرتے۔

مسافر ہوں ویلے اوہناں موٹھاں نے کٹورے بنا بنا

کے تے چیک چیک کے ساری آبادی چ چائنا کرن نا

ذمہ گدا ہیا۔

اوہناں نیاں موٹہہ بولیاں بھیٹاں تے ماٹواں اوہناں واں

یاد کر کے تھک گئیاں۔

اوہ پھل ہمس گئے، جیہناں نال ستاں سہاگناں اوہناں

واسے ہار بنائے ہئے۔ کنواریاں گڑیاں شادی تے خواب

تکنیاں تکنیاں بڈھیاں ہو گئیاں تے بڈھیاں ماٹواں نا ایمان،

امام ضامن توں اٹھ گیا۔

رات — دو

جس گڈی تے ڈیپنی تے ہنری آئے ہئے ، اسی چوں
 تریا سپاہی بی لیتھا ہیا۔ اوہ ننگڑا کے ٹرنا گرائیں وچ پیا پھرنا
 ہیا۔ دو قدم چا کے ، کھل کے ، حیرانی نال ہر ہکی چیز پیا
 ویکھنا ہیا۔

”ایہا ، اتھا کا تا شہر اے ، ای اس نی زمی این ، اوہ
 اس تا اسمان این۔ ای سیما این جھننے لوک لین بنا کے کھلوتے
 اوین۔ اوہ لائبریری پئی نظری آئی اے۔ گرجا گھر ، سکول ،
 کھیلوں تا میدان تے اُس تے ساہنے ایرانی دکان۔ ای ساتا
 کلارا آگیا اے ، تے اوہ گھر پیا نظر آنا اے“
 سپاہی گھرے نے ساہنے کھلتا ہویا ہیا۔
 ”راتھے ما جی ہو ری ہوسن ، بیس ہوسی تے ہوتر تے

اُلی کس . گوانڈھے وچ میری تے اُس نا چہو ایرینا ہوسن ؟

اُس ریناں اکھیاں پچ اتھرو آگئے ۔

” اٹھا کا ، میرا وطن ، میرا مٹھیا گھرا ۔۔۔ “

گرائیں نی سیر توں اُس نا دل نہیں پیا بھریتا ہیا ۔

” اوہ بچی پیا نظری آنا اے ۔ جس وچ نڈھے پئے کھیڈنیں ،

اُس جاگھاں قیدی ہوسن ؟ “

اوہ ٹرینیاں ٹرینیاں دُور نکل گیا تے اُس جاگھاں توں لگھیا

بچھے سپنگر تے ہومر گپٹیاں پئے کھیڈنے ہئے ۔

بیرے پچ بچھی طرح نظر نہیں پیا آنا ہیا ۔ بار چت آں

مُجھل کے اوہ بس کھیڈنے ہئے پئے ۔

ہومر نی نظر سپاہی تے پئی ۔ اُساں ایہجا لگا جیوں

اوہ سپاہی اے اُن پہلوں توں سیاننا اے ۔

اوہ کھیڈ مُجھل گیا تے سدھا سپاہیے کول آگیا ۔

” ماف کرنا ، شاید اسی پہلوں ہکی دُوئے اُن

طے اُن “

” ہاں جی ۔ سپاہیے جواب دتا ۔

” کھیڈنا چاہو تاں میری جاگھاں آ وٹجو ۔ بیرے ہُن ہنیرا

ہو گیا اے ۔ “

” جی نہیں ، تسی کھیڈو ، میں بس ویکھساں “

ہومر سوچ وچ پئے گیا ۔

” ای بی ہو سکنا اے کہ میں تساں واں کدے بی

نہ ملا ہوواں ۔ تسی اتھا کا وچ ای رہتے او ؟

” میں راتھے ای نا ۔ اج ہی گھر واپس پہنچاں “

” تے ہُن تسی اتھے ای رہسو ، تساں واں لام تے تاں نہ سدا

دیی ؟ “

” نہیں ہُن ماٹھہ فوج توں بچھی مل گئی اے ۔ دو گھنٹے ہوئیں میں

گڈی توں لٹھا واں ، ہُن تک گرائیں نی سیر کرنا رہیاں ۔ ساریاں

جانیاں پہچانیاں جاگھاں ہک داری وت ویکھیاں “

” تسی اے تک اپنے گھر کیوں نہیں گئے ؟ رکھو ایہجا

تاں نہیں کہ گھر والیاں اپنے آنے نی خبر ای نہ دینا

چاہندے ہووو “

” میں گھر ضرور ویساں ۔ اوہناں واں اطلاع بی ویساں ۔ بیرے

ایہہ سارا کچھ ہولے ہولے ای ہوسی ۔ اجلا تک تاں ماٹھہ

آپے اُن یقین نہیں پیا آنا کہ میں واقعی اتھے پہنچ گیاں ۔ اجلا

کچھ دیر پھر ساں ٹرساں ۔ ذرا مٹھر کے گھرے دائیں ویساں “

اوہ ٹر پیا ۔ ہومر سوچی پئے گیا ۔ کچھ دیر تاں سپاہیے اُن

دینیاں دیکھنا رہیا پھر سپنگر اُن اکھن لگا :

” پتہ نہیں کیوں ، ایہجا لگنا اے جیوں میں اُساں سیانناں

پار سپنگر ختم نہ کریے ۔ کھیڈنے تے دل نہیں کرنا ۔

” ٹھیک اے “

سپنگر گیٹیاں سٹ دتیاں ۔

” میں کیہہ کراں ؟ اوہناں کیہہ دتاں ؟ روٹی تے اوہ میرا

انتظار پئے کرنے ہوسن - یار ، گھار کیمچوں ونچاں ؟ میں اوہناں نال
تظراں نہیں ملا سکنا ، ادہ ماٹہر ویکینیاں ای تاڑ ویسن - میں تاں
کچھ نہیں دسنا - برے ادہ سمجھ ویسن ۔

”اجلا گھار نہ ونج - کچھ دیر راتھے ای رہ ، کچھ وقت لگسی ۔“

دوئے چپ چاپ بیٹھتے بیٹھے ہوئے ہئے - بہوں دیر بعد
ہومر اکھن لگا ”میں کساں پیا اڈیکتا ؟“

”تداں انتظار اے کہ اُس نے وجود نا جیہڑا حصہ فنا ہو گیا

اے ادہ تیرے اندر بی مر ونجے - ادہ حصہ جیہڑا مٹی نال
بنا اے تے مٹی ہو وینا اے - توں موتو نا عذاب پیا

سہنا ایں - اس واسے اجلا انتظار کر - ساہ نکلتے نا عذاب تک

گیا تاں تداں اپنا آپ بہوں ہلکا پھلکا لگسی - جدوں تک

زندگانی اے ایجے عذاب آسن تے چلے ویسن - برے

بچوں بچوں ویلا لگھسی تیری روح آں نکھار ملی - زندگی

نی تھوڑیورتی نے نیڑے ویسن - برے ہس ویلے صبر کر کہ

جدوں گھر پہنچیں تاں نال موتو نا پرچھاواں نہ ہووے -

اسی اجے ایٹھے بہر کے انتظار کرساں ۔“

سپنکر تے ہومر گھاہے نے وڈے پلاٹ تے بیٹھے

انتظار کرنے رہے - گھرے چوں گاوناں نی واز پئی آئی ہئی - ولے

تے روعے آں تسکین پہنچان والے گاوناں چواں پاسے پئے لہراں

مارنے بے پیہڑی تریمت ساز پئی وجانی ہئی اُس نے مونہیں تے

جنت تے شفقت نا نور کھلریا ہویا ہیا - جیہڑی گڑھی ریناں اٹھکیں

پیانو نے پردیاں تے پیاں نچنیاں ہیاں ، اُس نے ولے وچ
معصومیت ہئی ، خلوص ہیا - گاوناں والے نی حلیم طبیعت ، اُس نی
اداز توں جھک مارنی ہئی -

نکا منا ہوں عورتاں پیا سڈنا ہیا - اس ریناں اکھیاں وچ ایہی

چمک ہئی جیوں اُساں گاوناں نی سچائی تے پورا یقین ہووے -

باہر گلی وچ دروازے نیاں سیڑھیاں تے ہک سپاہی بیٹھا

ہویا ہیا - ادہ ہٹے ہٹے اپنے گھار پہنچا ہیا - گھر ۔۔۔۔ چساں

پہلوں اُس کدے نہیں ویکھیا ہیا - اندر اُس نے گھرے والے

ہئے ، جہتاں ادہ نہیں سیاٹنا ہیا -

اُساں ایہوں پیا گنا ہیا جیوں ادہ اپنے وطنے وچ پہنچ

گیا ہووے - ای گھار اے تے ای اپنے پرائین -

اُلی سس اُساں ویکھ ویکھ گھدا ہیا - اُس اپنی بیٹنوں آں

دسا ، تے ماؤ آں اکھن لگا :

”مافی ما ۔۔۔۔ باہر سیڑھیاں تے کوئی بیٹھا ہویا اے ۔“

”اُساں اندر سد گھن ۔۔۔۔ ونج ۔۔۔۔ ڈرنے نی کوئی گل

نہیں ۔“ بیس باہر آئی -

”اندر آ ونجو ، تساں ، ما پئی سدنی اے ۔“

سپاہی پرت کے گڑھی آں ڈٹھا -

”توں بیس ایں - میرے کول آ کے بہر ونج - میں

گھرایا ہویاں - میرے ہتھ پئے کمیٹن ، جھٹ اک بہر

ونج ۔“

گڑھی سیڑھیاں تے بہہ گئی۔

”تسی کون او تے تسان میراں کبجوں پتہ لگا اے؟“

”ماٹہہ نہیں پتہ کہ میں کون آں۔ برے توں بیس ای

ایں۔ میں، تسان نی اماں واں سیانناں۔ تسان نے

بھراواں واں سیانناں۔“

”تسی میرے بھراؤ مارکس آں سیاننے او؟“

”ہاؤ۔۔۔۔۔ تیرے بھراو ماں جیاتی بخششی اے، گھار دتاس،

گھار والے دیس۔ اوہ ماٹہہ بھراواں توں بی ودھ پیارا

اے۔“

”اوہ کتھیں، تسان ناں کیوں نہیں آئے؟“

سپاہیے، مارکس تی دتی ہوئی مندری کدھی۔

”ایہہ مندری مارکس تیرے واسے بھیجی اے۔“

گڑھی چپ ہو گئی۔

”لالہ۔۔۔۔۔ لالہ مہن نہ آسی؟“

اُس کئی وازاں وچ پچھیا۔

”نہیں بیس، میں قسم کھاناں مارکس نہیں مویا۔ اوہ

جینا اے۔“

ہومر ویہڑے وچ آ گیا۔ بیس دوڑ کے اُس نے

کول چلی گئی۔

”ہومر اوہنل واں لالے ہوراں بھیجا اے۔ بہوں

دیر توں ساڑیاں سیڑھیاں تے بیٹھے ہوئیں۔“

گڑھی اندر چلی گئی۔

ہومر، ٹوبی جارج آں سیان گھدا۔

”تسان نا ناں ٹوبی اے۔ بیچے وچ تسی ای ملے ہیو نا؟“

سپاہیے سر ہلایا۔

”پیشی ویلے، خبر پہنچ گئی ہی۔ تار میرے بوجھے وچ

پیا ہویا اے، دسو، مہن رکیہ کراں؟“

”ہومر، ای خبر غلط اے۔ تار آں پھاڑ کے سٹ چھوڑ۔“

ہومر بوجھے چوں لفافہ کڈھ کے اُس نے پُڑے کر دتے۔

دو کچھ سوچ کے کاغذے نے ٹوٹے بوجھے وچ پالے۔

”ہومر، ماٹہہ سہارا دے، میں آپے اٹھ بی نہیں سکتاں۔“

ہومر، ٹوبی نی بانہہ نپ گھدی۔ یتیم، در بدر ٹوبی، ہومر

نے موڈھے نا آسرا گھن کے اُٹھ کھلوتا۔

”ما۔“

ہومر نی واز وچ نغمے نی رفق نمک نہیں ہئی۔

”ما، اسی گادون سُنساں۔ اج سپاہی پرت کے گھار آیا اے۔“

اُس آں ’قیری آ، آکھو‘

ساز و جھنے آں لگ پیا۔

”میرا دل کرنا اے کہ کچھ دیر اتھے ای کھلوتا رہوں۔“ ٹوبی بولیا۔

ہومر تے ٹوبی نے مہاندیریاں تے عجیب طرح نی مسکراہٹ

کھنڈ گئی۔

ٹوبی اپنے دلے نے دکھ آں چھپانے نی کوشش پیا کرنا ہیا۔

ہومر آں ہک ادپری جیہی نسکین محسوس ہونے۔
میری گانا شروع کیتا۔

نکا الی کس باہر آیا تے سپاہیے نا بہتھ ، ہتھے وچ گھن
کے ، اُس نے نال لگ کے کھلو گیا۔
گانا ہمک گیا تاں ، ماں جی ، بیس تے میری آ کے
دروازے وچ کھلو گئیاں۔

ما جی ہوری چپ چپ کھوتے ہوئے اپنے پتراں وائیں
پئے ویکھنے ہئے ، جھڑے ہن دورہ گئے ہئے۔ سپاہی وچکار
کھلوتا ویا ہیا۔ اُس نے ہکی پاسے ہومر ہیا تے دوئے
پاسے اُلی کس۔

انجان سپاہی ، جھڑا موئے ہوئے پترے تا سنگی ہیا ،
مکھیا۔

ماں جی ہوراں نیاں اکھیاں وچ چانٹا ہو گیا۔ اوہناں
مسکرانے نی کوشش کیتی۔

اج اوہناں نا پردیسی واپس آیا ہیا۔ اوہناں نا مارکس
گھرے وائیں پرتیا ہیا۔

ما جی ہوری اپنے تریہاں پتراں گھن کے اندر
چلے گئے۔

برج عقرب

ہٹی نے ساہمیوں ہزارویں واری لگھیاں ، اوہ کھلو کے
اندر نظر مارنا اے۔ چٹی وڈے گھیرے نی سوتھناں تے اوجا ای
کھلا چولا ، گیروے رنگ نی چادر دو تہاں موڈھیاں تو ساہمنے ،
تے بد رنگی چلی تے اگے نکلیاں ہوئیاں کالیاں موٹیاں نکلیاں۔
بگٹی تے ہتھناں نا رنگ کالا ، سرے نے وال کھچڑی ، پتھے
برت وانگر۔ بہوں ترٹا ہویا بندہ یاں نواں نیاریا۔
میں فیصلہ نہیں کر سکا واں۔

اوہ چواں پاسوں شفاف شیشیاں وچ کھلوتا ، نرم قالیناں
توں ہو کے اندر تا ماحول سونگھنا اے تے ساڈے ساہمنے
گرسی تے بہنیاں ہویاں زور نال ڈکار مارنا اے۔ ساہمنے تے
آسے پاسے شوکیں نے شیشے اوس نا پرچھاواں ہکی دوئے آں

بیچنے میں - بہوں سارے ٹکڑیاں وچ ونڈی کے بے چین اے۔
 پاسا بدلنا اے - اسپیں دوئے سواہیہ نشان ، اُساں گھورنے اُن تے
 گل شروع کرن وچ اُساں مناسب لفظاں واں ڈھونڈن وچ
 بدراہ کرنے اُن - "تسیں اجازت دیوتاں میں اتھے اُلٹی کر گھناں"
 اسپیں ہکی دوئے اُن دیکھنے اُن - "ایہہ میری مجبوری اے"

اوہ اطمینان نال ساہنے پئے ہوئے شوکیس تے دوئے
 ارکان طحا کے گچی تے کر گھنا اے ، رقی ، مہنگی قالیناں تے
 اُلٹی کرنا اے۔ جگ مگ کرنے گھنیاں نے شوکیس ناشیشہ اُلٹی
 ریناں چھٹاں پین نال دھندلا دینا اے۔

میرا آڑی ، دوڑ کے سارے شیشے نال بنے ہوئے دروازے
 نی چھٹی اندروں لا کے CLOSED نا بورڈ باہر اُلٹ دینا اے -
 "یو باہر نہیں وینی چاہی نی" اوہ شوکیس تے جھکیا ہویا ساہ
 جھیک کرنا اے - اس نے بے حسابے دھے ہوئے سکے ، چٹے
 وال ، میلی قمیضاں نے کارے تے پئے ہوئے نیں - چٹے رنگے
 تی قمیضاں نالوں اوس نے وال بہوں چٹے نیں تے تے کالی گچی۔
 میں جلدی نال گندگی تے گلابی رنگے نا کاغذ پا دینا اُن تے قالیناں
 نے اوس حصے اُن سنبھال کے کات تے چھٹی نال دکھرا کرنا ولں۔
 "اوہ کوئی اے" میرا آڑی گلا پھاڑ کے نال والے اندرے نے
 پاسے دیکھنا اے - دروازہ کھلنا اے - "ساریاں سد"

اوہ شوکیس نا سہارا گھن کے بانہواں نال متھے نا یاسینہ
 پونجنا اے - ساڈیاں تظراں اوس نی کرسی نے نال تے فرش تے

پئے ہوئے پرانے لکڑی نے بکسے تے جیباں ہوئیاں -
 "راز" اُس ویلے تک راز رہتا اے جدوں تک کسی
 دوئے تک نہ پہنچے ، بہر حال - اوہ اپنے اتریسے دسناں ہویاں
 قمیضاں نے تلوں ہتھ پا کے وڈیاں نوٹاں نی ہک گڈی ساہنے
 شوکیس تے رکھنا اے - ساڈے پاسے کھسکانا اے - "کم
 بہوں استادی نا اے - بے فکرے رہو" اسپیں دوئے ای
 کاریگراں نی اواز وچ اواز ملانے اُن - "در اصل ، وقت
 رہ گیا اے تھوڑا - میں بی بہوں مشکل نال کم پورا کیتا اے۔
 ہُن تساں واسے ترے دیہاڑے رہ گئے نیں" اوہ تے
 ہو کے لکڑی نا بکس چانا اے تے ساہنے شوکیس تے رکھ
 دینا اے - چہڑی بھارت اوس تے درج اے ، اوس نا اشارا
 لکڑی نے بکسے نے ڈھکنے تے اُبھری ہوئی جناقی زبان نی طرف اے۔
 "ہُن اوس نی ضرورت بالکل نہیں - بس سونے وچ کھوٹ تے
 ساڈے وچ فرق نہیں ہونا چاہی نا" کاریگر بہوں احتیاط نال
 جُٹے نے نال لکڑی نے بکسے نے ہکی ہکی حصے نا ناپ کاغذے
 تے لکھنے نیں - اوہ قمیضاں تے تلوں ہتھ پا کے نوٹاں نی دوئی
 گڈی پہلی نے اُتے رکھنا اے - "ہُن اسان کھولنا ہوسی ،
 اندروں" کاریگر ہکی زبان وچ منمنانے نیں - "در اصل بکسے
 نے اندر شیشہ لگا ہویا اے ، جس نے تے بہوں وڈا کالا
 اٹھوہاں تیز چاننے وچ پریشاں ہو کے اپنا ڈنگ زور زور
 نال لہرانا اے - وار کرنا اے - شیشے نا تلوا پاسا اوس نے

زہر نال پیلا پئے گیا اے۔ "ماف کرنا میں تساں واں ایس نے بارے پچ تاں دستا ای بجل گیا ہاں۔" "کوئی گل نہیں۔" میں تھڑا ساہ اُتے تے اوہ اُتلا ساہ تلے بھیجنا اے۔ اٹھوہاں چوڑنہاں پاسے وار کرنا اے۔ اوہ بکسے تے نیواں ہويا، گچی پھرا کے آسے پاسے کھلوتیاں ہویاں کاریگراں تے نگاہ کرنا اے جتھے ہوائیاں پٹیاں اڈنیاں نیں۔ اوہ اپنا ساہ جھیک کرنیاں ہویاں اوس نا بہک بہک لفظ نوٹ کرنے نیں۔ "بالکل ایجا ای، اوس وزن نا اٹھوہاں۔ بس کھوٹ نہیں ہوئی چاہینی۔" اوہ ساڈی طرف دیکھتا اے۔ "نہیں تاں ماٹھہ مجبوراً معاہدہ توڑنا پوسی۔" ساڈیاں زباناں گنگ ہو گئیاں نیں، جواب موٹھیں نا اُتار چڑھا تے اکھیاں دینیاں نیں۔ اوہ مطمئن ہو کے کرسی تے جسم ڈھلا چھوڑ دینا اے۔ سارے کاریگر شیشے تے جھکے ہوئے نیں۔ شیشے تے تلے تنگ جگہ وچ اٹھوہاں تیزی نال حرکت کرنا اے۔ ایس نا وزن بہوں حد تک ودھ گیا اے۔ "ذرا کاغذ پنسل تاں دیو۔" کاریگر ہر پاسے توں ناپ لگھنٹے نیں اوہ کاغذ تے پنسل نال جلدی جلدی، لکڑی والے بکسے نے ڈھکنے تے لکھی ہوئی جتاتی زبان توں بی اگے فی لکھائی لکھنا اے۔ "ترے سال پہلوں چس بھوسی چوں اساں پیدا کیتا ہیا، اُس نا وزن اٹھ تو لے ہیا۔ ایس حساب نال ہر روز نا وادھا۔ زہر نا کلناں" کاغذ تے حساب لانا اے۔ "ایہہ، گھنو، وزن پچ فرق نہیں

ہونا چاہینا۔" سارے کاریگر گڈی کاغذے وچ لوسیٹے ہوئے رازاں، نال والے کمرے وچ کھڑے نیں۔ "پرسوں شاہیں حاجری دیساں، امید اے مایوس نہ کرسو۔" اوہ لکڑی تے بکسے آں سنہال کے مسکنا اے تے اپنے گھرے نا پتہ فورٹھ سٹریٹ 277 N کاغذے تے لکھ کے ساڈے حوالے کرنا اے۔ ایس دوئے وند کڑو کے، اُساں باہر تک چھوڑنے آنے آں تے واپس ہو کے نال والے کمرے وچ کاریگراں نے نال فٹا، جمور، ہتھوڑی، آری، بالکل تے کات لے کے چمکنی تے جندری تے جٹ ویٹے آں۔ ساڈے ہتھیاں نی چڑی ہیں پیرے۔ دو دیہاڑیاں بعد ٹھیک ویلے تے اوہ آنا اے تے دوئے چیراں نی پڑتال کر کے ساری قیمت چکا دینا اے۔ سونے نے نویں چمکار بکسے وچ سنہری اٹھوہاں رکھ کے بکس امانت نے طور تے دوکانا وچ ای چھوڑ دینا اے۔ اگلے دیہاڑے وت اسی ویلے اوس نے آنے نا وعدہ اے۔ دوئے دیہاڑے ٹھیک ویلے تے آ کے سنہری بکسے نا ڈھکنا کھولنا اے۔ مہن اوس وچ بالکل ہکا جیبے دو سنہری اٹھوہاں اُتے تلے موجود نیں۔ نرتے مادہ۔ خدا فی قدرت اے۔ اوس ہر شے نا جوڑا بنایا اے۔

ساڈے پیر زمیناں واں ڈھونڈنے نیں۔ ایس ہوا وچ نلکے، شوکیس نا سہارا گھن کے اپنا وزن برابر رکھنے آں۔ اوہ اُتلے نہ آں مادہ توں دکھرا کرنا اے تے اپنے تھیلے وچ

رکھ گھنٹا اے۔ یکس بک واری وت امانت رکھنا اے۔ عرصے
توں اس ناکم اے کہ ٹھیک ویلے آکے یکسے بھوں نہ
اٹھوہاں کڈھو کے گھن وینا اے۔ اسان دونہاں بہوں
سوچ سوچ کے فیصد کیتا اے کہ یکسے نا ڈھکنا کھول کے
چھڑے بکی اٹھوہیں نی خیانت رکیہ کریے۔ ارج ساڈھی بھری بھرائی
دوکاناں نا سودا ہو گیا اے۔ دوکاناں نے نویں مالک نال والے
کمرے وچ موجود نیں۔ اوس نے جانے توں بعد ایسے دوکے،
دوکاناں واں ہمیشہ واسے چھوڑ دیساں۔ اسان دونہاں نیاں نظراں
واں کلاک توں دروازے تک چکر پٹیاں کٹیاں نیں۔ ”مافت
کرنا“۔ اوس نا پہلا قدم اندر پیتا اے۔ ”کوئی گل تہیں“
اسان دونہاں نے دلے نی حرکت رکتی وینی اے۔ میں
اناری کسوں کے ارام نال بکس اوس نے ساہنے رکھ دیناں۔ اوہ
اپنا کم کرنا اے تے ہمیشہ نی طرح دوبارہ مانی منگنا، باہر نکل
وینا اے۔ باہر بھڑ وچ بہوں دیر تک ساڈیاں نظراں اُس نا
پچھا کرنیاں نیں۔ جتھے اوہ غائب ہویا اے۔

میں جلدی تال شوکیس تے رکھے ہوئے یکسے تے چادر
پا وینا واں۔ دوکان نے نویں مالکاں نال آخری واری رل کے
ایس چٹی چادراں وچ لوصیٹے یکسے آن چا کے باہر آنے آن۔
دونہاں نے قدم زمیناں تے ٹھیک طرح تہیں پینے۔ میں لوکاں
نے ہجوم وچ چلنیاں ہویاں اپنے آپ آن بالکل تنگکا سمجھناں۔
ساڈا رنج چار دیہاڑے پہلوں گھدے ہوئے فلیٹ نی طرف

اے جتھے اگلے دیہاڑے تجربہ کامیاب ہونیاں ای، اسان کدھر
دور نکل وینا اے۔ رات میں جاگ کے گذاری اے۔ ماٹھہ
اپنے آڑیے تے شک اے، بلکہ پورا یقین۔ اسی واسے
احتیاطاً میری پنکوناں نے بوجھے وچ پستول اے۔ ماٹھہ
کچھ پتہ تہیں کہ اوہ میرے بارے وچ رکیہ سوچنا اے۔ میں
بھی جانناں کہ اوس بھی رات جاگ ای کے گذاری اے۔
ہر ویلے ماٹھہ ایہہ جیہا لگا اے، جیوں اوہ اکھیاں مچھا مچھا
کے میری نگرائی پیا کرناں اے۔

ہن اسان دونہاں نے وچکار میز تے بکس پیا ہویا
اے۔ اسان نا اپنی وینی نیاں گھڑیاں توں اعتبار چایا گیا
اے۔ ماٹھہ یقین اے، میری گھڑی پورے پندرہ منٹ
لیٹ اے۔ اوہ اپنی گھڑی تے تریہہ منٹ لیٹ ہونے نا
رونا رونا اے۔ ”ایہہ آخری سگرٹ پنی کے اسان کسوں
دلیساں“۔ میں اُساں سگرٹ پیش کرنا واں۔ سگرٹ نا آخری
کش گھنیاں ہویاں میں رومر تے فیور لیوبا بنانے والیاں
نیاں ماٹواں بھیناں نے نال اُساں سوالنا تے اوہ مُسک
کے یکسے نا ڈھکنا پرتانا اے۔ ”اوس نی ماؤ نی۔ تیری
بھینوں نی“۔ ہن اوہ گالیاں پرتانا اے، کچھ اُساں کچھ
ماٹھہ۔ میں اٹھوہیں آن اُلٹانا پلٹانا واں۔ وت اوہ تسلی
کرنا اے۔

ساڈے مہاندرے لٹک کے ساڈیاں چھاتیاں تے پئے

جھننے ہیں۔ ایہہ بیہا لگنا اے کہ کچی جڑاں توں نکل ویسی تے
تے فرشتے تے ساڈا مغز ہکی دوکے نے مغزے وچ رل مل
ویسی۔ اسیں پچھلے سٹاں دیہاڑیاں توں بغیر کجھ کھاویاں پیتیاں
ہر پنجیاں منٹاں بعد یکسے نا ڈھکنا کھولنے آں تے اوس
وچ صرف مادی اٹھوہیں آں ای ویکھنے آں۔ ” اوس نے
پاسے وینا چاہی نا اے۔ ” اوہ چٹی چادراں وچ یکسے آں چھپانیاں
ہویاں میرے موٹھیں تی گل کرنا اے۔ راق نا آخری پیر اے۔
اسیں چھنے آں۔ کمزوری اتنی اے کہ قدم نہیں پٹینیں۔ اکھیاں نے
اگے نہیرا آ وینا اے۔ بنیرے وچ دوکے $N/277$ ڈھونڈنے
آں۔ پرانا بے رنگ بوبا اندروں بند اے۔ میں بوہے تی
جھریٹھاں چوں اندر ویکھنا واں۔ جھتے نہیرا اے۔ سنسان گلی
وچ اسیں پلمب کے پاپے نے سہارے دیواراں تے چڑھنے
آں تے اندر کد وینے آں۔ دیہڑا ویران اے، ساہنے نے
کمرے چوں ہونیاں اسیں احتیاط نال اگے ودھنے آں۔ رہس
ویلے چٹی چادراں وچ لوصیٹیا ہويا سنہری۔ بکسا اوس نے کول
اے۔ کمرے نے اندر ہک بوبا ہور گھلنا اے۔ ایہہ دوا
کمرہ اے، بنیرے وچ اسیں ہکی دوکے توں خوف
کھانے آں۔ میرا ہتھ پتلوناں نے بوجھے وچ اے۔ اود
ماچس بالنا اے۔

کمرہ بالکل خالی اے، بغیر سفیدی نیاں کدھیاں تے بہوں
مبٹویاں، عجیب و غریب تصویراں نہیں۔ سجے پاسے ہک باری اے

جس نے پٹ ساڈے پاسے گھلنے نہیں۔ اوس پاسوں بدبونی لہر
آئی اے۔ میں ساہ روک کے، دوکے پاسے ماچساں تی تیلی نال
چانٹا کرناں۔ اندرے نافرش بہوں تلے وے۔ نظر کم نہیں کرنی۔
اسی اُساں اواز دینے آں۔ جواب وچ خالی کمرہ اس نا ناں پرت آنا
اے۔ بدبو ایس کمرے آں بی اپنی پلیٹ وچ پئی گھنن اے،
اودہ ودر کے باری نے پٹ بند کر دینا اے۔

دیر بعد ہمت کر کے اسیں دوکے دوکے پاسے بنیرے پت
کد وینے آں۔ کمرے وچ اتنی بدبو اے کہ اسیں اپنی ساد
رکنی محسوس کرنے آں، اودہ باری، جس چوں کد کے اسیں
اتھے پہنچنے آں، بہوں اچانٹ تے وے۔ ساہنے گدیلے والی
ترنٹ ہوئی منجی نے نال تلے فرشتے تے اُس تی لاش اُپٹھی پئی
ہوئی اے۔ ہکی پاسے لکڑی نا پُرانا بکسا گھلا ہويا اے جس نے
اُتے نا شیشہ موجود نہیں۔ اس نا گوشت جاگھاں جاگھاں توں پھٹ
گیا اے تے ہک پیلے رنگ نا پانی فرشتے تے پھپڑی پیا
بنانا اے۔ ماچساں تی تیلی نے چانٹے وچ میرے اُڑیے آں
میزے توں اوس تی آخری تحریر ملی اے۔ جس وچ اودہ ساڈے
نال ای مخاطب اے۔ اوس لکھیا اے ” ایہہ عمل کرنے نا موقع
صدیاں بعد آنا اے، جدوں قلب العقب تے شمس زمین
توں ہک خاص فاصلے تے ہونے نہیں۔ اس عمل نے وگاڑ

توں بعد دوا موقع پورے ستراں سالاں بعد آنا اے ۔ اوکس
 واسطے ہن رینے نا فائدہ ہا سوایہ نشان وروہ کے اساں واں
 جکڑنا اے ۔ اسیں رہس ویلے بھانڈے رکھنے نی ڈاٹھاں
 تے پیراں بھار بیٹھے ہویاں ، خالی ماچس میرے ہمتھے وچ
 اے ۔ میرے آرٹھے نا خیال اے کہ پرائے بکسے نا وڈا کالا
 اٹھواں فرشے تے اساں واں پیا ڈھونڈنا اے ۔

گل

گل ایہہ اے کہ ،

ادہ سمجھن لگ پیا اے ، اسی ترے ، اُس کولوں دُور
 ہونے وینے آں ۔ ادہ پریشان اے ، ہک ہک کر کے ساریاں
 نال کئی واری مل چکا اے ، تے ہر واری اساں ساریاں
 ہکی دیہاڑے اُس نے دفتر آنے نی حامی بھر گھدی اے ۔
 اُس نی مرضی اے کہ سارے بیلی ، ہکی دیہاڑے
 مل بہواں ۔

اگنا ہیا ۔

بہوں دیہاڑیاں بعد کچھ اپنیاں گلاں کہساں ۔ میں تاں

اوہناں دیہاڑیاں ترس گیاں - جدوں اسیں گلاں
کرنیاں تنھنکے نہیں ہیاں - ویکھو تا - بیس جو کچھ وی اں
تساں واسے تاں اوہا ای تا -

اسی ترے اساں گل نہہیں کرن دینے اں تے
آکھنے اں -

اساں ابھوں کدی بی نہہیں سوچیا کہ توں - - - -
کیہ ؟

بھئی ہونا ای اے تا آخر، ہن توں افسر بن گیا ایں -
افسر فی ماؤ فی -

اوہ ہر واری اپنے آپ اں گلاں دے کے گل اُتھے ای
مکا سٹنا اے -

مڈتاں توں ایہا کچھ پیا ہونا اے -

بھئی ہونا ای اے تا آخر -

اسی سارے اس گلاں تے پچھے اں - اساں چوں ہر راک
ایہا چاہنا اے کہ بہوں دیہاڑیاں بعد کچھ اپنیاں گلاں
کریے - اسی بی اوہناں دیہاڑیاں ترس گئے اں - جدوں اسی
گلاں کرنیاں تنھنکے نہیں ہیاں - برے -

شہر فی سبھ توں مصروف سڑکاں ، تے کاروباری جانی
تے ، ساریاں توں وڈی بلڈنگ نی ڈونڈ منزل تے اس نا
دفتر اے - سڑکاں والے پاسے بہوں گیلیاں بند باریاں وچ
جرٹے موٹے شیشیاں نے پچھے بہوں مہنگے پردے تے

ہوئے ہن -

پچھے اوہ بہنا اے -

اس پاسوں لنگھنیاں ہویاں تھراں آپوں آپ اُتے
چلیاں وینیاں -

اسی ترے جدوں بی رکی دوئے اں رینے اں ، اسی
نیاں گلاں ٹر پینیاں - کئی واری جدوں میں اوہناں نا حوصلہ
ودھان پاروں آکھتا واں -

”یار ، اوہ ملیا ہیا - بہوں پیا آکھنا ہیا کہ - - - -“

”ملا تاں اساں بی ہیا - برے سوچنے اں - - - -“

”ہاں ، بھئی ہونا ای تا آخر - - - - - ہن اوہ
افسر - - - - -“

بس اتھے آکے تریاں چپ لگ وینی اے -

اساں بلیاں ہویاں بہوں دیہاڑے ہو گئے ہن - اساں تا
بہوں سارا وقت اسی نے بارے وچ کھڑنچ کڑھیاں گذر گیا
اتے اُس نے بارے وچ ، تے اُس نے دفتر
نے بارے وچ -

پتہ لگیا اے کہ آج کل کسے نا بہوں زور اے -

دفتر نا کم کاج تے ہک بہوں سوہنی لیڈی سیکرٹری - - -

ٹیلیفون ، خط ، وزٹنگ کارڈز تے اوہناں نے پچھے ، لوکاں
نی ہک لمی قطار - ملاقاتیاں نا زور -

دفتر ناکم کاج تے ہک بہوں سوہنی۔۔۔۔۔
 اُساں ملیاں ہویاں مدتاں ہو گئیاں۔ بس ہک خط آیا
 بیبا۔ جس توں اوہناں ساریاں گلاں نی تصدیق ہوئی اے۔
 اسی خواہ مخواہ، بغیر کسی کتے نے گلاں کرنے ہوئے،
 پھرنے پُرنے اُس نے دفتر والے پاس نکل وینے اں۔
 ترے ہکی دُوئے کولوں نظراں بچا کے اُتے ویکھنے اں۔
 اُس نے دفتر اں، جتھے بہوں گیلیاں باریاں وچ جڑے
 ہوئے موٹے شبیشیاں نے پیچھے منگے پردے تنے ہوین۔
 پیچھے اوہ بہنا اے۔ اسی سوچ سوچ کے پاگل ہو گئے
 اں۔ اوہ ساڈا بار اے۔ جیوں بی ملنا اے ایہا اکھنا اے کہ
 اسی اُس کولوں دُور۔ اج اساں مل کے، اُس نے دفتر
 وینے نا فیصد کیتا اے۔ لوکاں نے بہوں وڈے اکھٹ نال
 دفتر نیاں سیڑھیاں چڑھنے، جیوں تیوں اُس نے کمرے تک
 پہنچنے اں۔ کمرے وچ اوہ موجود نہیں۔ فرشتے تے، ہر پاسے
 پھٹے ہوئے وزٹنگ کارڈز تے خطاں نی رُل بیٹی ہوئی اے۔
 پلائی وڈ نی بہوں وڈی میز نے پیچھے، پھرنے والی کرسی تے
 ریکی پاسے اُڑیا ہویا، باوردی، دربان، بیڈی سیکرٹری نال رملنے
 والیاں نے وزٹنگ کارڈز پیا چیک کرنا اے۔ لوکاں نا زور
 اُسی پاسے، سائیڈ روم داہیں اے۔ اسیں بھارے قدم
 چانے دروازے تک آنے اں، جتھے اوہ اپنے کمرے نی
 طرف ودھنے لوکاں نے کھٹ اں دوہاں ہتھماں نال پیچھے دسکنے

وچ مصروف اے۔
 ”گل ای اے کہ۔۔۔۔۔“
 اساں داہیں پرتنیاں جویاں آگدا اے۔

